



同州府續志卷十

良吏傳



左輔名宦臚敘前編載拾其遺遺愛斯傳三十年中
兵凶交困孰恤民瘼修政明信西漢盛治雖難僭擬
尚賴循能保我赤子述良吏傳第一

黃霸字次公陽夏人武帝末為左馮翊領郡錢穀計簿書
政以廉稱時武帝以刑罰痛繩羣下俗吏尙嚴酷以為強
而霸獨用寬和為治後為河南潁川太守及尹京兆治為
天下第一五鳳間入為相

同州府續志卷十

良吏傳

一

張湛字子孝扶風平陵人矜嚴好禮動止有則居處幽室
必自修整雖遇妻子若嚴君焉及在鄉黨詳言正色三輔
以為儀表建武初為左馮翊修典禮設條教政化大興
薛宣字子贛郟人成帝時詔補御史中丞後守左馮翊始
高陵令楊湛櫟陽令謝游皆貪猾不遜持郡短長及宣視
事陰求二人罪贓具得所受取移書顯責二人皆愧服解
印綬凡得吏民罪名輒召告其縣長吏使自行罰長吏莫
不喜懼宣為吏賞罰明用法平而必行崇教養善眾職修
理姦宄絕息自左內史初置以來未嘗有也

郭丹字少卿南陽人平帝時太守杜詩辟爲功曹轉遷左馮翊永平三年爲司徒在朝廉直公正與侯霸杜林張湛郭伋齊名顯宗會問羣臣郭丹家今何如宗正劉匡對曰丹出典州郡入爲三公而無遺產子孫困匱帝乃訪求其嗣官之梁並永嘉初爲左馮翊時諸羌叛並以恩信招誘之於是諸羌部等五萬餘戶並降隴右復平

達震字猛略代人武平初除華州刺史導民訓俗頗有治方秩滿還朝爲百姓所戀

崔寬馮翊太守爲政務清簡所涖人愛之天寶間稱舊德以寬爲首

同州府續志卷十 良吏傳

二

解榮祖字聿修大華人中憲廉訪僉司德徵之子爲韓城令多善政

張廷珪河南濟原人慷慨有志向第進士補白水尉舉制科異等累遷監察御史按劾平直武后元宗朝累有建白終太子詹事卒諡貞穆

陳堯咨堯佐之弟知永興軍長安地斥鹵無甘泉堯咨疏龍首渠注城中民利之

王隲永樂初任白水縣學教諭精通性理博貫經史勤於施教而善詩文有古人風學者慕焉

楊季琦交趾臨嘉人舉人正統初知澄城時聲教未融制

度尙缺琦至定法令布條約輕徭薄賦與民休息
陳仲秩巴縣人成化進士知華州蒞政精明專以德治杖
人止於示辱而已太夫人有至德每臨政輒聽於屏後決
事失平卽擊屏以警之故尤多仁恕云

王濂長垣人監生成化中任同州同知才識通敏修學有
功後陞太原府通判

李旻益都人舉人弘治中知同州政尙寬簡心多慈祥

奴鼎字伯謙蒲州人舉人嘉靖間韓城知縣時吏胥多不
檢鼎至則約束如溼薪兩造聽訊隸人不敢索一錢廊吏
終歲食數斗粟抱文案趨承而已里甲餉馬外無別供上
官遣隸人至韓則日給三飯飯之外不得竊逞隸人轉相
告後遂絕跡於韓韓人以奴青天呼之

郭鼎襄陵人任澄城縣訓導守正不阿日以經義德行訓
士卒於官去之日諸生引縑泣送至今不忘其德

陳陟字光宇諸城人進士隆慶中以工部郎左遷知同州
清操特立識斷英敏常乘挽車循行田野境內震栗劉官
營大盜盤據累歲莫敢誰何擘出不意提兵勦擒之

趙綱山西樂平縣舉人任華陰有清操性嚴不可犯吏胥

憚之民受其澤

朱迥澆潞安人歲貢崇禎十五年令白水文雅能詩明習吏事吏不敢欺會賊潛入城城陷猶力戰射賊遂與教諭魏歲史劉進同遇害

宋奎字文徵岳池縣人嘉靖初以舉人知邵陽縣事廉而不耀肅而惠六年邵大旱奎虔禱清獄寬逋禮賢卹民三日大雨歲大稔朝邑韓尙書邦奇曰僭恆暘若肅時雨若天人相感之際微矣宋君反諸身達諸政罔弗用禱是故鬼神格陰陽和霖雨作豈偶然哉十年又旱蓋邵地高而

同州府續志卷十

良吏傳

四

土厚高恆風雲氣弗能交土堅不受澤雨微弗沃而大則奔流赴壑也惟潤而久禾乃生故他邑不常旱邵常旱是時知縣事者曰張道洪洞人韓尙書門人也救災策甚備災弗能害二人者邵人皆勒石頌之

劉應卜商邱舉人宰邵陽大修學宮畱心實政每講鄉約環而聽者數十人多感激泣下久之風移俗易所著有治萃節目聖諭俗解保甲發明皆有裨吏治祀名宦祠

彭有義字思直順治三年任邵陽時亂初定有義撫殘黎多方招來安集大兵驅寇抵皇甫莊疑縣民從賊將屠之

有義執不可帥怒罵有義忍辱百折乃免又能禮賢教士
四年擢知延安府郃人爲建生祠祀之歷任陝西按察使
多善政

錢萬選字子華長興例貢生康熙四十年知郃陽縣事政
尚寬以教養爲重而性喜結納蒞任初招集海內知名士
吳青霞啟元王崑繩源輩日夕講論爲育才計立社學數
十處按季課之自華雲葉公後郃邑文風丕振者萬選之
力也值農務興卽躬歷郊野以酒食勸勞焉每歲催科敲
扑不及里老任四載以註去纂郃陽新志未刻後訂爲宰
華退食錄過俗吏遠矣

同州府續志卷十

良吏傳

五

朱閑聖字嶧庭山陰籍雍正五年任郃陽遇事有條理剔
奸弊不動聲色最大者邑之里馬歲累民數千金力請於
督郵革之採買令下又以民食不足難辦陳於制府制府
嘉其誠慤又免之其辦軍需也養駝及騾馬役頗煩而民
不知擾一切修舉廢墜不費民間一錢接紳士必以禮任
三載清操如水調蒲城去之日郃人咸攀轅號泣如失其
慈母各憲聞之嘆曰不意朱令爲官使民感戴至此後知

西安府升廣東糧驛道

福通阿滿洲人由舉人知韓城縣廉靜寡欲甫下車邑城
崩塌數十丈通阿捐俸補葺不費民一錢南門石橋壞通
阿先架木爲梁以濟行人徐募金近萬成橋而貧民不與
焉在任五年杜請託絕交通律己以嚴御下以寬由是上
下相安聲聞遠邇眾謂與前任唐俱有長者之風焉唐名
桂生安溪人由進士知韓城其廉靜次於通阿

尹光桂新水人韓城縣丞其初至也值唐宰韓唐故廉靜
光桂輔理相得安分守己不取民一錢後至者爲棗強鄭
仔貪酷縱恣民畏之如虎嫌光桂挾制誣以罪去去之日

同州府續志卷十

良吏傳

六

衣笥盡典於韓人咸寃之

東士秦江南丹陽人順治八年由貢生知澄城縣前令貪
酷殘忍民不聊生公至悉反其所爲誠足動眾明能燭奸
甫月餘巷祝輿頌歌聲載道不幸以瘡疾卒邑人斂金返

其喪焉去之日白裳素袍執紼號泣失聲者蓋千餘人

按士

秦前志已載惟悉反前令苛政則略焉今補錄之徵信錄
曰東公莅任月餘卒志失不載歷年久遠今遂無有知者
余從敝館中得先祖遺藁數頁有東公遺愛序又有
口碑一篇文中盛稱其美因錄之以補邑志之闕

張承哲澄之潤東里人本姓惠以父御史公嗣太原張公
由蔭生知澄城事慈祥愷悌敬事愛民以病卒於官卒之

日澄民無大小聞者莫不失聲每歲八月八日合祀於城

隍廟至今猶然徵信錄曰張公康熙二十三年宰澄予聞其賢詢其政其詳已不可得初御史公出

奔時年少止知所生之里至縣則忘之矣及公宰澄知為澄人未言也卒後其子弟方識其祖墓樹以柏焉公沒之

一月有吏某忽狂言曰公某月日為邑城隍神呼某廝役遂無病死隨又數吏皆如是卒故邑至今以城隍神為公

生為正人死為明神理或有之然此亦不足為公重也

何達善字子兼濟源人乾隆丙辰進士由庶吉士外調恩

平知縣卓異候陞委署澄城事甫下車剔革積弊摘發吏

奸每布衣草帽私詢民隱惡棍皆斂迹逃避自用甚廉事

有不便於民者必力鋤去亦饒幹有膽略雖上憲不能奪

同州府續志卷十 良吏傳

七

其操尋陞劍州知州去邑人謂百年來循良楊公乾晉第

一公次之暨本縣張公三人而已按楊乾晉前志有傳徵信錄曰予詢之父老言

澄賢命必首推楊公詢其政蹟僅傳聞數事他弗知也然於畫板見其廉於復訊見其公於衙草尺許見其斷夫士

君子修身行己能改過者鮮矣即公復訊一事不已加人一等哉

郭傳芳字九芝大同威遠衛人由選貢授咸甯縣佐博學

能文章一時陝多名士傳芳皆與為友四方來遊者率介

傳芳為交通時人呼為理學官牙康熙七年署邵陽事有

正俗略與遊梁山記載邵令錢公宰莘退食錄按傳芳前志似略今

補詳之徵信錄曰本朝初年士皆稽古好學雖微官小職中亦有博學能文者錄之以誌一時之盛

簡庭佐字治六湖南邵陽人由舉人知華陰縣其政通人
和前志已詳載之惟署澄城縣時邑里甲大小懸殊差徭
輕重或至倍蓰庭佐至均其里甲凡數月乃定澄民至今
德之徵信錄曰公均役時民有獷悍者率其里甲抗拒不
服控府未已也至於控省猶未已至集眾登城若敵
人然公乃佩刀升堂與論曲直久之事始定民之
挾私難治也如此然公於是時亦可謂有爲矣

吉年字秋畬鑲藍旗滿洲人道光壬午進士性嚴毅學問
淹雅有幹濟材洫同數年政簡刑清勤於課士公餘每游
藝射圃習勞眷屬妻子媳三口役惟一僕一婢而已遇早
步禱輒應屬有疑讞常策騎親往呼兩造立爲剖判不聽

同州府續志卷十一

良吏傳

八

株連不煩供億曰甯自勞苦毋累民也故習與夫常聚賭
年力禁止或設法掩執之無一脫者賭風頓息時城垣久
圯因移檄各屬捐助刻日興功完築二十年後回逆作亂
環攻卒保無恙蓋先事預防之力居多云郡人追感其德
於多忠勇公祠同朱申菴呂曼叔二守並置位祀之

以上
補

王炳勳山西垣曲進士由鳳翔調守同州雅重文事手評
課卷勗士類績學勵品值天旱躬禱城隍廟論陰陽職司
期三日不雨卽封其門免冠叩首額上碎破寸許時天尙
晴少頃大雨人謂誠意所感云

呂儁孫字曼叔江蘇陽湖舉人咸同間兩攝府篆精明幹練正己率屬訊斷明決馭吏役特嚴見士民溫恭有度而雅重斯文舊章豐登書院官課膏火豐堂課嗇應者絕少因量爲更定增課經學古學由是文風日振同治元年回亂奉檄查覆初入城賊卽圍之隨帶省勇僅百人百姓惶怯不任守陴署府朱元慶資其材同力拒守賊連攻八晝夜卒得無恙尋署府事儁孫益自鼓勵募勇丁繕守備難民入城率多傷病爲擇隙地搭席棚日給粥飭施方藥全活無算城上造更房數十座守陴兵民得免暴露防益嚴援兵雲集慮其驚動居民親自撫循凡軍營所需糧草軍火悉力措辦不令擾民勝保師至欲提豐登馮翊兩書院生息爲餉力爭乃止調西安府擢潼潼商道並多善政後以疾卒於官光緒二年入祀名宦祠

同州府續志卷十

良吏傳

九

朱元慶浙江海鹽拔貢題補鳳翔調署同州事值同治壬戌四月獮亂變起倉猝元慶知請兵不及急諭官紳編民丁分地守城陴日給飲食自以帶束單衫提刀日夜巡歷間與紳耆計防守策相接若家人與賊力拒十餘日賊連攻撲八晝夜無技不施元慶悉能預防六月初賊稍退先

是華渭蠢動上憲委按察使劉鴻恩同前署府呂雋孫帶
勇至郡城至是鴻恩欲引去城中男女遮道哭畱鴻恩疑
元慶所使因譖於上臺罷之後忠勇公多隆阿勦滅猗逆
勅建祠好事者繪元慶提刀巡城狀於壁數十年來猶凜
然生氣父老至有指顧流涕者

按朱公嬰守危城數十萬
生靈得免屠戮其時無一

兵一將可資官紳黎庶沮然喪氣失色卒賴公鼓勵區畫
得保無恙父老流涕殆與覩峴山神者奚異若曰微公也
者我輩早溝中哉矣或曰其時公尊人朶山修撰在署曾
授方略若然傳云移孝作忠公可謂以忠全孝然其制敵
之本早裕於提刀巡歷一人心振士氣
與居氓同甘苦者多多矣吁豈偶然哉

延愷字友三正白旗漢軍進士廉靜和平慈祥愛物時關

同州府續志卷十

良吏傳

十

輔多故延愷於一切防禦守護時務極盡心力同治己巳朝邑
合里甲減差徭延愷力主成之

余庚陽字葵階湖北監利人道光戊戌進士由三原擢乾
州廉明正直有守有爲循聲阜著同治八年由攝韓城縣
涖郡裁各屬陋規自奉儉約眷屬寥寥數人嘗以節省餘
貲捐修文廟門窗丹雘及先師賢儒牌位葺治鄭愨節公
祠重豎孝子朱壽昌碑九年春董子原回賊自澄北南竄
突近郡城庚陽整飭練勇出城防禦官兵且躡跡追勦賊
認勇爲兵乃遠遁後謝病將去百姓皆攀轅卧轍並赴省

乞畱上憲以格於例不許其治韓值大兵過境庚陽設支
發局飭營兵各持籤取柴麩無敢諱回匪由宜洛爭大嶺

庚陽飭邑民於西路要害處分團協守葛袍草笠宿城上

數月邑保安帖韓人至今德之按余庚陽宰三原最久惠

循文述民間凋敝况若監門圖之政亦最多其稟請蠲緩征

無不灑涕郡屬遭賊與三原同欲知其苦求之茲文畢肖

因錄註之略曰自高陵涇陽相繼失陷賊匪倍形猖獗除

攻城外無日不在四鄉焚掠縣屬五百餘村僅存東里菜

王二堡餘則屋宇盡成灰燼田園盡為荆榛橫遭屠殺難

以萬計今賊遠窺境內甫清卑職屢經出示招集流亡而

復業者甚少其間有歸田者則皆棲身無所糊口無資贏

瘦之狀目不忍親卑職因公下鄉見夫井里凋敝人烟稀

少竊以愛戀田廬人之恆情今當大難既平之後胡乃甘

作流傭畱滯異鄉不思還里修治農業查問其故則曰恐

同州府續志卷十 良吏傳

派差徭也恐徵錢糧也卑縣平地畝現並無人過問惟

北原間有議價出售者每地一畝索價錢二三百文而買

主仍復遲疑不受查問其故則曰親族領受納糧今以絕產給

也卑縣前此絕產向例以親族領受納糧今以絕產給

親族或則謂服制已遠或則謂服制已盡類皆飾詞推諉

堅不承領查問其故則曰恐派差徭也卑縣全種查問其

田多之家皆招佃戶租除收租外仍令佃戶納糧並卑縣

有押租錢文今則佃戶無不退田並向業主索取押租業

主或許以減租或徑行免租而佃戶仍不肯承種查問其

故則皆曰恐派差徭也卑縣全種查問其

祇令納糧今則守墓之人無不告辭富戶雖許以資助仍

不肯畱查問其故則皆曰恐派差徭也卑縣全種查問其

舍求田農人本願若乃於委派而毫無顧戀誠以回匪

沿村焚戮逐戶或夫被戕而僅畱婦女或子弟被戕而

戕而僅畱父兄或夫被戕而僅畱婦女或子弟被戕而

僅畱老弱甚有全家被戕而僅畱婦女或子弟被戕而

鍾之器無不被其焚燬牛馬騾驢之畜無不被其擄掠以

及水渠無不填塞莊房無不殘破則耕作之資全無加以
一經種田所收難完納必至空受比責則不如委棄田
園無不泣婦人無不鬻鬻以情狀更難言矣
子無不坐則愁歎立則鼓側行則顛蹶卑職目盈於道
則呻吟延其殘喘將一切善後事宜次第辦理正擬
思有以延其殘喘將一切善後事宜次第辦理正擬
欸賬郵適因辦理軍餉尙未舉行此時遺黎方且仰望
撫字豈可嚴督以催科古人云追呼不忍况乃鞭扑之
卑縣現今百姓完納顆粒復分毫不過驅之逃而已促
鞭扑亦必不能完納夏禾正值麥秋被回匪焚燒本
其斃而己緣卑縣去年夏禾正值麥秋被回匪焚燒本
年夏禾種來年夏禾近城及偏僻地方於九月賊竄後
禾並未有種西鄉一角有麥苗悉被回匪焚燒本
始稍種者然不及時且零星隱約統屬三千里合
計不及百分之二又因耨且無多委於荒烟蔓草之中
現今四鄉隴畝滿日蒿萊一望而知誠有非可以美言
飾者查道光二十六年卑縣會遭旱災蒙前撫憲林
秦

同州府續志卷十

良吏傳

七

請緩徵厥後曾未豁免賴有富戶及小康之家資財多遭焚蕩加以
代爲完納今則富戶及小康之家資財多遭焚蕩加以
辦捐輸已屬筋疲力竭難望其再行義舉况兵燹之災
早災更慘逾百倍卑職忝任地方當此時事孔艱豈不
庫款支絀軍需緊要苟可勉力開徵亦冀接濟兵精於
一况以私計而言卑職之廉俸各役之工食以及夫馬
料無不取給於錢糧畱支苟可勉力開徵於公事亦可
掣肘無如環顧四鄉哀鴻遍野蒿目之下徒嗟扼腕焦
萬分寢饋俱廢再四思維惟有不敢冒昧仰懇大人逾
鴻施准將卑縣同治二年以前民欠地丁糧石及一切
徵各項轉請豁免並將來年上忙奏請緩徵俟秋禾布
種再行察看情形分別等差辦理夫人情示以可畏則
避釋其所慮則樂從使凡茲難民一旦聞有豁免緩徵
信未歸者必將盡返鄉閭可以漸起既已樂夫甦困
做可以漸完兆姓瘡痍可以漸起既已樂夫甦困
自必勤於奉公而將來之新賦亦可仍還全額矣

李學謙字鏡湖三原舉人借補府學訓導品行端方學問

淵博爲文尤能作崎嶇語喜吟詩訓迪諸生嚴而有法府縣皆敬重之去官二十餘年人猶稱感不置云

王道立字笠農山西文水人由進士宰大荔廉聲特著清苦自持以病卒於官殯全真觀在任時以辦公積虧四千餘金署知縣沈家楨爲彌補之並送歸其柩

熊兆麟字墨樵江西宜黃舉人由鳳翔調大荔性剛果頗任刑威呈詞先訊原告詐誣者輒被詰責不敢復訴治盜賊尤嚴旣得賊卽收禁不令與飲食七日輒斃匪徒皆斂跡道光丙午大旱邑回民蠢蠢欲動畏官刑重不敢發卒

同州府續志卷十 良吏傳

三

賴以安兆麟又勸各村分賑出倉糧平糶喜論文邑舊無書院每月附府書院課士兆麟捐五百金爲倡勸邑紳杜志銓捐貲創修馮翊書院以續款生息爲師生脩脯膏火需由是科名頓盛是年大荔卽獲雋五人其他修城垣砌泮池纂邑志尤多可紀云

周相焯字九梧膠州進士咸豐間宰大荔廉明剛介一無官場習氣嘗言人須不怕餓死纔能做好官試士法嚴而濟以權面試時輒易數題槍遞不能施邑故社倉九處積弊苦累相焯請於上糶價存銀民不受累授蒲城縣杜攻

許抑强豪察吏胥並嚴革間閭粗野暴悍之習其亟亟教士考課一如在大荔三年民風變士習端同治壬戌四月初髮賊由商雒竄入陝境間道出大義谷逼會城僅一舍省城四門盡閉同屬亦處處震懾相焯聞之急浚陞製器械清查保甲未浹月回匪以刊竹故自華州煽亂日與漢民鬪殺焚掠蔓延及大朝華陰蒲亦烽烟四起邑人洶洶有議戰者相焯曰不練奈何有議請兵者曰無餉奈何有

議沿郊堵禦者曰地廣人散奈何會華州牧濮壺華陰令葉景昌皆率民勇禦諸境郊疆一敗退保城尋皆失守相

同州府續志卷十

良吏傳

十四

焯此時築城鑿池固守之計獨決於是開倉募勇丁勸捐輸濟貧民編守城夫役日給食物俾運磚石城上並嚴詰奸宄多偵探防賊突至每夜一燈二役週查至再至三勤者獎惰者責藉草宿城樓黎明始回署回逆圍城連攻擊五晝夜鉛彈雨飛叫呼雷湧城上守者寂如俟其近礮石齊下擊之賊計窮遁去蓋城中兵勇不滿二百民夫約五六千斃賊百餘城上祇傷數人會幕客盡散歸相焯晝在署辦公夜宿城上稟報文移手自裁答七十老叟心血俱瘁卒保危城尋陞乾州知州挽留不可至今蒲人言之猶

有垂淚者

段士聰山西太谷人道光間由進士授邵陽知縣甫下車訪孝義節烈勤聽斷案無宿牘邑少鼠竊以謹飭繩士子而勤於造就改古莘書院課年定甲乙爲月定甲乙應課者愈多至號舍不能容與諸生講學卽以莘野石室爲訓邵之士風一振越四年以艱歸

王如蘭太原舉人同治己巳春宰邵陽臨民寬恕重教輕刑有威斷猾吏不敢欺有喊子不孝者父子同來如蘭察得其情各給錢百文令食訖聽斷少頃子來問費幾何曰

同州府續志卷十

良吏傳

五

二十七文食物曰包穀饑良久其父來問幾何曰餘六文問食物曰某物某物計當餘三十文其父卽赧然無言如蘭謂曰吾知之汝吸洋烟耳汝子爲傭歲得銀八兩汝日費數百文卽三子恐不給姑畱體面有汝斥其子曰父首不孝定有不遜命管二十各遣之去兵駐北山糧臺員葉某夜入民房被毆誣控如蘭知之不究又控又不究葉乃召如蘭赴營面白如蘭詰之以禮葉怒如蘭拍案謂曰汝上詳吾亦上詳不顧而去其有識有膽類如此閱三月以

憂去

張其翽廣東舉人有文武才咸豐初宰韓城時南省逆藁蠕動所在徵調協濟羽書數至其翽悉心經畫民不勞而事舉又嘗於校閱武場寓選將厲兵意民以事至縣者無鉅細莫不頌神明焉旋調興安令解組歸

莫元廣字快園浙江山陰縣人知韓城縣邑有協濟潼關過往兵馬差滋弊者往往浮派元廣自官捐資辦支詳列規條著爲令採訪閭邑節孝請旌表不費民間一錢捐助蘿石少梁兩書院膏火與龍門並列爲三又創立快園書院延師課督束脩膏火自捐辦設公車會試局令北上者

同州府續志卷十

良吏傳

六

有資斧值早徒步九郎山祈禱無不立應紳庶感其德建

祠祀之

按詳請捐辦協差文略曰查潼關廳及華州兩處遇有兵差過境稟請本府派卑縣協濟馱騾馬匹

奉文卽傳邑里長人等立刻僱備每次必差里長書役押解前往所需馬騾價值及夫役口食盤費概歸里民按糧攤抵無事時尙覺相安近年兵差絡繹調派數數自上年二月起至本年十二月止節次奉調馬騾不下二百餘匹致各花戶難抵差費數逾倍且往返數百餘里供應僅一站先期解往則多費或有時催遣不及或兵差由別路行又須另行催見往來事鮮實濟費已虛耗種種情形殊滋苦累此外尙有應解清軍廳鉛藥及成長兩縣牛皮等差亦向係民間支辦當此民困未蘇卑職時抱疚心再四籌畫既不能率行裁免又不忍照舊攤抵不得不變通辦理以期少紓民力今擬請自咸豐八年正月初一日爲始所有協濟潼關華州兩處馬騾以及應解鉛藥牛皮等項差務一律改歸地方官自行捐廉妥辦嗣後毋庸里長備永不攤抵花戶分文如此變通庶於差無誤民可少據

困苦蓋連年捐輸助餉不無竭蹶急應加意調護以示體恤卑職謬膺民社責司撫字凡於地方應辦事件無不隨時訪求誠恐利有未能盡興害有未能盡除斷不敢以相沿已久稍事因循致滋擾累實爲節省民力起見是否有當伏乞恩准批示以便遵辦接奉巡撫曾布政使林按察使蔡同州府慧各衙門批所陳極是卽飭各屬一體查照酌量做辦

李錫鈐字葆岑河間舉人署韓城縣民有訟卽日立斷案無積牘邑明倫堂頽廢久錫鈐慨然曰學校重地豈可聽其荒涼籌款葺之又爲蘿石書院延請山長閱卷外教訓各村蒙童一切膏火之費皆自捐理

興綬字紫卿漢軍旗人以筆帖式授韓城縣令髮逆犯晉

同州府續志卷十

良吏傳

七

邑境僅隔一河興綬率勇丁露宿數十日防堵河岸賊退始還署市人仰泣曰軍務瘦我父母矣咸頌之曰德威保障

劉建韶字聞石福建進士知韓城縣最嚴保甲創設十家五保牌輪流巡柝每雞鳴必躬稽其勤惰爲龍門書院立課章碑公課又自招生徒按日講貫著有宜蘭室詩文行

世

王肇榮字小竹扶風縣舉人授韓城教諭學問淵雅和氣

迎人邑士多受業其門者聞爲人排難解紛一言立判蓋

素服其品故爾

曹一新字錦堂渭南人以歲貢授韓城訓導學粹品端課士必以重倫常敦品行爲先遇貧寒士時給膏火伙助不安分者剴切諭之莫不翻然改也丁卯回逆擾韓襄辦城防加國子監學正銜

梁天春字靄堂盩厔人署柳溝汎外委同治六年賊匪馬隊由苜蓿溝竄至圍攻柳溝天春連發數礮轟斃無數賊步隊麇至天春力戰其部馬隊鄭德升步卒李發科黃德福郭春福守兵高升李廷相等俱陣亡天春愴然曰吾責在守汎汎失吾甯死不爲賊辱遂自燃礮抱而死蒙 賜卹雲騎尉襲次完時給予恩騎尉

同州府續志卷十

良吏傳

六

周蕃壽字藹林咸豐初年任華州州通驛路兵差絡繹不絕蕃壽簡備車馬兵至卽催趨行民得無擾州治多水患蕃壽睿疏河渠使水通鬯入渭居民守堤避害者訟端俱息卸篆後州民爲立感戴碑

濮壺浙江錢塘人任華州質直果毅有循吏風舊習遇鄉試期多不賓興壺於辛酉歲獨舉行之謂人曰安有存倖心而廢古禮者同治壬戌髮逆逼境狗匪亦乘間作亂壺

率鄉團北禦回西禦髮在赤水驛邊賊不能東進者三四日一時里民饋運壺漿不絕於道及賊隊大至垚獨抗其鋒吏民乃共擁之以行

萬家霖同治三年署華州時甫脫兵燹民無常業家霖自裁減平餘惟期正供有濟旋以催征不力被議蓋目睹閭里蕭條十室九空不忍追呼也在任杜絕餉遺不受一錢向去任者往往減田房稅契家霖曰吾行匆匆未能辨契價之真偽安可貪微利而貽後患乎其清慎多類此

孫治號琴泉四川成都人道光戊戌進士宰華陰喜接公

同州府續志卷十

良吏傳

十九

正紳者丙午丁未關輔大饑土匪往往乘機竊發治單騎巡查各鄉又值林文忠公撫陝札飭平糶糧價不至湧貴事賴以安邑寺南里葫蘆灘舊苦河患爲請上憲豁免其征升任潼關廳華民有送差至關被蠹役勒索不釋者親出署慰釋之勤政惠民猶恐下情壅塞嘗潛出訪民間疾苦團勇丁勤練習頹弱之習爲之一振

張景福字介如甘肅武威人同治間以進士宰華陰用刑苛猛治竊盜匪徒輒以火灼其背間親下堂以扇扇之遇武舉惡紳手執扑親笞且唾罵之居歲餘竊匪聞風逃避

邑紳混惡無行者咸斂迹事上亦直情徑行以觸忤罷治華數載功過不相掩有識者議其功多於過云

顧澹慶字古生浙江會稽縣舉人咸豐五年任潼關廳性慈保民如赤聽訟不假鞭扑常爲勸諭排解兩造帖然尤好培植文教勤課諸生以故科名奮興鄉試獲捷者不一去任時攀轅遮道至數百人

陳作樞字星樓甘肅武威進士同治元年知白水縣事振勵文風兼修武備重修東北二郭陞去紳民爲鏗去思碑崔銓淦山西汾陽進士同治三年知白水縣事政平訟理暇則延士置酒高會賦詩言志其意翛然非筐篋刀筆所拘繫也後任寶雞賊陷城衣朝服坐堂上罵賊殉難

唐正恩字霈亭四川巴州進士同治七年知白水縣事到任月餘捻逆焚掠至城下正恩矢以死守邑賴安堵擢節愛養催科不煩督責民輸納恐後去之日皆爭畱之

李廷鈺字式如湖北安陸舉人同治八年知白水縣事重修暗門稟請裁畱潼關臺馬創修考院並功德蠶神社公遺愛各祠增籌書院膏火分設義塾培植文風光緒元年

以病歸

馬有章字煥堂武功舉人同治間兩任白水訓導學有根
柢教人懇懇亟亟惟恐弗皆賢也去任後士咸思之

同州府續志卷十

良吏傳

三



郡人懇懇亟亟惟恐弗皆賢也去任後士咸思之

馬有章字煥堂武功舉人同治間兩任白水訓導學有根

同州府續志卷十一

列傳上

河聲嶽色時有鍾毓云誰之生載茲清淑德言經濟
國寶邦彥永貽我人徵文考獻述者舊傳第二

雷萬春同州人事唐張巡爲偏將安祿山死安慶緒遣其
下尹子琦率同羅突厥奚勁兵十餘萬眾攻睢陽巡命南
霽雲乞師賀蘭進明而使萬春守雍丘叛賊令狐潮圍之
萬春拒立城上與潮語伏弩發六矢著面萬春不動潮疑
刻木人謀得其實乃大驚嘆巡軍令之嚴潮壁雍丘北謀

同州府續志卷十一 列傳上

襲襄邑甯陵萬春引騎四百壓潮先爲賊所包力突其圍
大破賊潮遁去後睢陽城破巡死萬春與姚閻南霽雲等
三十六人同遇害萬春將兵方略不及霽雲而彊毅用命
每戰巡任之與霽雲均

以下大荔

李周馮翊人爲洪洞令有善政以司馬光薦召至訪以禦
邊之術知邠州徙鳳翔至吏部侍郎周爲小官卽沉晦自
匿未嘗私謁執政而入自欽重之

拜住世居蒙古其先木華黎從元太祖開拓疆宇祖安童
相世祖克成善治五歲而孤太夫人怯烈氏教之逮長宏

遠端亮有祖風由宿衛長累官至右丞相平章政事振立
紀綱修舉廢墜裁不急之務杜僥倖之門加惠兵民輕徭
薄斂英宗深爲依賴後以鐵失與赤斤鐵木兒謀弑逆遇
害泰定初贈清忠一德功臣太師開府儀同三司上柱國
追封東平王諡忠獻明洪武中其孫克昌始自平江遷葬
於同州華志鄉在今大荔楊村東北子孫因以拜爲氏道
光五年入祀忠義孝悌祠

馬祥字文瑞同州人博學能文士林稱爲關西夫子成化
中進士任工部主事督理沁衛臨清以北河道漕運賴之

同州府續志卷十一 列傳上

二

查盤直穎各衛輒料清理天下匠役所至有聲提督遵化
鐵冶活工役千八百人遷山東都運恪清自立致仕歸士
民思之有海清見底之謠

馬通字致遠同州人年十二補州庠生入太學成化中銓
博野丞持廉平不私受一牘嘗檄攝束鹿事博野人闌不
得去至敗輿束鹿多詭健獄有冤滯通判斷明敏理其大
辟之枉者人頌神明陞知本縣束鹿人復畱不欲還兩縣
詣關爭之冢宰以成命諭遣始已通既知縣凡舊政不便
民者次第布之邑用大治臺使按部謂他州邑長若曹毋

自多資地博野可師也憂歸行李蕭然起補繁峙繁峙故
傅邊頑梗通賦士不知學通勤勸課選社師訓民間子弟
督胥習爰書俗爲一變賦亦畢輸會大水没禾他邑承風
旨減報通獨詣撫臺力爭報全災邑人感悅他邑民以不
生繁峙爲恨俄病卒囊無長物櫬發泣送者填溢衢路以
孫文莊貴贈宮保尙書大學士人以爲廉吏之報云

尙達字兼善同州人貢士宏治初任岳陽令縣有澗水爲
民患達命開渠溉田歲旱出粟救濟

李從教字伯勉同州人嘉靖癸丑進士性重厚執直知涑

同州府續志卷十一

列傳上

三

水縣弭盜安民已調繁歸安時方有倭警從教修水關置
邏舡除器械嚴倭不敢犯遷戶部主事轉郎中督餉雲中
出納惟允陞知河南府從教不能飾廚傳稱過使客又嘗
以事逆當路遂以不任劇改除夔州未發卒二子皆舉進
士修吉戶部主事元吉眞定知府

馬慥字顧甫文莊公季子萬厯中進士歷官兵部武選郎
中時國家承平日久官常廢弛曹務多出胥手因緣爲奸
慥畢精任事力剋諸蠹不避怨勞以此爲朝廷所器尋遷
南尙寶寺卿邁足疾予告居常杜門謝客人初病其簡偃

答曰吾非不知養交廣益第家公與婦翁皆居政地恐以交遊累尊人毋甯簡倨我耳婦翁謂蒲坂張文毅也其欲匿名跡遠權勢如此故好學卽病手不釋卷旁貫異聞尤晰當世之務惜以末疾延三十年國家竟不得其大用以歿著有文集四卷藏於家

馬從朱字師晦同州人萬歷癸卯舉人歷任黔陽太平黃縣卒于官囊篋蕭然侍御范復粹屢稱之生平孝友力貧好學能修繩檢嘗娶瞽女却其賠嫁之田人咸義之

馬嗣休字孟善同州人以曾祖文莊公廕入太學授都察

同州府續志卷十一

列傳上

四

院照磨歷陞戶部主事管薊鎮糧儲邊務旁午人多畏避不敢赴休銳意任之崇禎壬午年七月及于難母薛氏第嗣杰與焉

馬嗣煜字元昭同州人倜儻有大略博極羣籍值流寇猖獗煜造簾架火箭出麥五十石銀五十兩助軍餉晝夜守禦州賴以全壬午以明經授濟南通判抵任築城濬池清衙蠹屏巨猾凡政事得失民情利害毅然爲之籌畫無遺策僕有言及家事者叱曰在家言家在官言官舍公務而計私家豈夙心哉朔望下學講書振儒風設鄉約民俗悉

化飲冰茹蘗一塵不染署武定又署蒲台士紳父老扳轅號泣煜仰天嘆曰吾卽獲罪於上甯忍負百姓兵薄城下煜守南城東城失守從者欲逃煜曰天數已定豈容逃乎不屈而死贈太僕寺少卿廕一子

王朴原名權字一中明洪武乙丑進士授吏科給事中改四川道監察御史性慤直數以諫忤旨一日以奏事爭辯上怒命斬之至市復赦還曰汝改乎朴曰臣無罪不宜戮有罪又安用生之上復命斬之出過史館大呼曰學士劉三吾志之某月日皇帝殺無罪御史朴也臨死作詩寄父

同州府續志卷十一 列傳上
五

行刑者復命上怒其不先聞俱坐死蓋惜其才欲折其氣實無意殺之也

楊永俊字士彥崇禎丙子經魁博雅善書畫仕歷巴陵屯留絳縣忿所至宦豎爲虐遂掛冠歸順治初徵弗起田廬蕭索猶捐城南北地六畝餘爲義塚勒碑以紀其事

李元吉字履齋夔州知府從教子由進士出宰聊城行取晉戶部郎中版曹職在財賦羶差缺出竿牘填尙書門主者付諸不求之人以徧塞求者之口先後監九江鈔關淺灘稅未嘗因之爲利出守眞定以樸直忤上官遂決意歸

日與伯氏修吉敘天倫歡集林泉諸叟結社論文自號枕石懶人課桑麻較陰晴優游幾四十年中丞直指使者疏薦於朝元吉應之曰先太守衣鉢屬在仲子爾時妖夢必踐是有命焉初從教以失貴人意將謝病歸元吉妻夢翁扶病以其冠冠元吉因意偃蹇必如其父故元吉云然著讀書鑿語雜書鑿語老莊蠡測屯居隱恤編文集評批本朝兩新命弇州歷下海鹽溫陵諸集

李元字惟默由進士官祁縣尹入爲廣東道監察御史卽條上定國是振國紀諸疏廷論違之魏璫擅權趙給事某

同州府續志卷上

列傳上

六

以元爲東林黨比附劾元竟至削奪崇禎初起復原職歷轉大理寺少卿晉順天府尹南戶部左侍郎兼都察院右僉都御史總督糧儲晉戶部左侍郎旌晉南刑部尙書尋卒於官未幾 皇清受命孫可楨倡義舉尋知事不成卽挺身赴死家遂籍沒

黨湛字子澄勵志學修根究理道嘗言人須做天地間第一等事爲天地間第一等人因號兩一以自勵性至孝父患癩疾掖侍晝夜不離側歿廬墓三年居家耳孟脫粟安之若素晚年屏居古窰中靜久有得慨士習務詞章昧本

原每與同志講集開陳學修之實媿媿不倦年八十矍鑠如少年康熙辛丑冬步訪李中孚於整厓證所學又嘗躬趨朝郃訪王建常康乃心殷殷就正焉旣歿郡丞郝斌大書理學孝子墓以表之子克材孫承祖咸刻意躬修克承家學云

白煥彩字含章號泊如貢生孝親恭兄居喪盡禮從兄希彩嘗受學於馮少墟時以其所聞與語煥彩私竊饗往遂絕意進取肆力經學多所自得家蓄書甚富康熙丁未春整厓李中孚東來過白氏軒攜所未見書以西次年夏偕

同州府續志卷十一

列傳上

七

同里黨湛馬穢土李士瑱迎中孚至同講學於廣成觀四人皆年倍中孚而忘年折節執經問道序二曲所著學髓諸書刊之又與張珥李子燮等二十餘人立講會互相切磋砥府丞郝斌攝州事式廬聽講顏其居曰尊德樂道及死李中孚爲誌其墓著述多散失道光中邑人梁甸山玉文炯梓其雜作二卷曰僅存集

王四服字思若號枕流居士積學善文崇禎五年拔貢鼎革後杜門不出日灌園種花聚友講學李長泰作勁節吟以美之李士瑿張珥白煥彩黨湛皆其同社友也州守趙

三麒麟其居曰彥方風範年八十餘卒仍爲樹碑表其墓
著有卧園集今存者僅張太僕墓誌劉烈生傳及石光祿
像贊諸篇

張珥字敦菴幼敏異父早卒旣長由進士任襄陵知縣有
惠政士民德之值姜賊叛擾嬰城固守力竭自刎死而復
蘇襄人勒石紀其事解組歸力田奉母昆季間怡怡如也
篤好正學與馬穉士李士瓚白煥彩王四服黨湛輩結社
會講李中孚至同珥與同社折節問道執弟子禮滋益恭
中孚爲悉心講解剖析精微自是益邃於性理之學平生

同州府續志卷十一 列傳上

八

敦品勵行名實著聞邑有旌善亭惟珥稱旨

李士瓚字文伯號玉山逸史歲貢生天性孝友父疽發爲
吮其毒教兩弟皆入庠康熙庚辰歲荒糴粟賙戚眷拾宦
家某遺金五十訪還之篤學力行檢身綦密每朔望焚香
矢神記功過李中孚至同士瓚與同里張珥首執弟子禮
由是益敦正學杜門日閱先儒語錄年九十不倦有會心
處錄冊自警四舉鄉飲正賓州守朱表其門曰關中文獻
著玉山十六書三十二卷

李子燮字以理戶部主事修吉之孫也順治乙丑進士任

淮安推官性剛正不阿上官誣以賊下法司勘訊允直不能屈因告罷遊幕廣西值吳三桂叛逆黨孫延齡囚廣西巡撫馬文毅公鎮雄文毅知不免爲遺表託子燮攜其長子世濟並負其次子世承及世濟子國楨穴牆出晝伏夜行抵京師告燮甫呈表卽昏眩仆地

聖祖命醫治之旣而逆孽吳世琮戕殺文毅及其兩幼子世洪世泰一家慘死者四十三人世濟世承國楨以子燮保全得免義聲遠播蒙 恩褒獎將大用以部胥索金弗應授內黃知縣旋告歸杜門講學與張珥李士璜師事李中孚託孤事具載國史傳

同州府續志卷十一 列傳上

李法字維則篤志力學工詩及古今文辭爲關中七子之一性高簡由歲貢任狄道州訓導嘗從武功孫西峯景烈於關中書院中丞尹文端陳文恭皆器重之景烈謂法學富才雄其文矯然自進於古又謂法文不必其可售必其可傳會陝甘督學楊嗣曾過武功訪關中知名士景烈以法對及案臨狄道而法已卒因爲歸其柩復序刊其遺稿有聯云平生漫說古戰場到眼空迷日五色蓋歎其典試時未能以法魁多士也謂法文學馬遷詩似太白其著述

甚富經亂失存今關中兩朝文鈔僅載若干首武功張洲表其墓

孫梓字渭材舉人廉幹樸誠敦崇古誼爲涪川令有惠政人以比子產嘗使其妻教民間婦女紡織嘉慶六年年幾九十重赴鹿鳴宴

淡士濤字仰山亳州知州如水第三子敘州知府士灝弟由鄉試第一人與仲兄士涓同榜成進士選庶吉士改靈臺令調皋蘭升秦州直隸州歷署西甯平涼知府所至有惠聲在秦崇儉素慎刑獄興院學勤訓課築隄防賑災民

同州府續志卷十一 列傳上

十

給牛種開煤窰禱雨捐俸千金建神祠民甚德之秦濱隴渭二水民田淹沒恆致訟士濤皆親勘驗不憚勞後以暑月履畝感疾卒於官祀名宦祠士濤才識明敏風雅多情著仰山詩鈔行世士灝子廷棻河間同知廷棻子春暉由舉人任知縣升保定同知皆能其官當時題贈者有三世並登循吏傳原來清白是家風之句

以上補遺

張聯珠字緯五號西厓嘉慶丙子舉人才高學富工古今文辭鄉薦後遊京師鮑桂星宮詹賞其文偃蹇春闈十上不第就銓吳堡縣教諭旋告歸日與生徒把酒論文自娛

在吳堡時有紳豪自爲其先某木主濶入鄉賢祠官紳皆不肯言聯珠遽令撤之豪上控焉聯珠執不易詞卒黜其祀晚年主講邑馮翊書院爲諸生講解指畫一振浮靡之習自爲制藝則卓然名貴雋絕時流顧以困躓終老人咸惜之著西厓文稿二卷刊行雜體文若干卷未梓

劉譟字吉人系出王自其祖名同者繼舅氏劉英後遂氏焉由增貢生以城防績擢司訓署藍田縣捐陋規諄諄以品行器識爲多士勉同官張某極不飭爲士林蠹力劾去之賦性清超介而和崇儉樸輕財重倫事諸兄以忍讓聞

同州府續志卷十一 列傳上

十一

從本邑張聯珠盤屋路德游均蒙嘉許喜吹簫天籟自鳴路嘗稱其文似之工椽筆書與古文辭郡守王杏農選入豐登書院都講悉去積弊年七十卒

以上仕宦

馬騰蛟字天階號小坡大荔諸生軀貌魁偉賦性伉爽幼從邑孝廉扈中立馬兆熊遊通經史工詩文蜚聲賢序間嘉慶癸酉陸平泉學使擬充選拔科爲有力者奪去家中落假館授徒爲生業會朝坂李時齋振關學於渭上騰蛟命弟有德子先登往受學焉生平光明坦夷不設城府接之者逆億兩忘遭遇橫逆犯而不校人咸服其雅量年逾

六旬侍母側鬚髮皆白猶時作孺子慕咸豐癸丑粵匪肆擾中州守土者危在旦夕時先登宰永甯騰蛟郵致訓詞助其授命盡職無以利害生死移厥志浙江觀察使賈臻誌銘所稱忠孝性成老而彌篤者是也先是道光間知縣熊墨樵纂修邑志以其學瞻養優宏覽淵博舉任採訪下筆持論公允咸推重之所著有小坡識小錄四卷刊傳行世光緒元年崇祀鄉賢祠

馬有德字稱之號東村鄉賢公騰蛟弟道光辛亥舉人揀選知縣生而凝重寡言笑人目爲癡隨兄受業勉其力學

同州府續志卷十一

列傳上

十一

恆嚴督之家中落糝飧不繼淡如也時朝邑李時齋先生講關學於渭上與姪先登奉兄命往受學師誨以制義與德行相表裏果能學品兼優尙宜以科名紹家聲遂奉命惟謹食餼後授讀於洛渭沙苑間與門人切磋性理之學發爲文根極理要不以炳炳烺烺爭長張瀚山周芝臺孫符卿金可亭諸先達均稱賞之累置高等至登賢書時年已五十七亦可見其志弗少衰居家以禮讓爲先訓俗以孝弟爲重帶經而讀八旬後仍手不釋卷著無逸子傳以

自勵同治元年劉霞仙中丞札委勸捐富紳補修貢院六

年髮逆竄擾臨渭一帶撫臣劉典又令練勇防河嬰鏢辦
公會不少懈事竣以教諭保選邑自經回亂胥役藉兵差
橫行鄉里有德於左侯入關首揭其弊論如律邑人均蒙
其惠以姪先登貴封朝議大夫艱於子息弗置妾媵視姪
猶子與其配扈恭人均年八十二卒

劉宗實字晉卿舉人篤孝友尚氣節不苟取與家貧教徒
嘗病流俗樹德教碑曰必有心得始可言德必明性道始
可言教朝邑閭丹初中丞重其品延之教讀又嘗主講馮
翊書院教生徒必勉爲有用之學標其齋曰樂愚著四書

同州府續志卷十一

列傳上

三

檢題辨同略松窗瑣記小題防誤樂愚堂雜記凡若干卷
趙鳳昌字仲丹號宏齋廩生家世務農其叔父銓不識字
而供鳳昌讀甚懂鳳昌少嗜學所讀書悉手鈔與朝邑楊
樹椿爲同門得聞桐閣先生之學顧獨篤好樹椿稱莫逆
二人同居讀書太華洛橋先後幾二十年其互相規切最
至鳳昌爲人性狷急然斤斤有守溫恭篤實家庭之間怡
怡如也聞人言學稍不合朱子輒艱然不悅儒書有講朱
子學者必欲得而親鈔之卒年四十二自恨學未成病中
猶對樹椿言甚悲且曰須大規模勿厭世事接人無親疏

遠近須學武侯開誠布公集思廣益吾秦糜爛至此宜以督撫設身處地籌方略用人才皆分內事學固重心性毋令人笑吾儒有體無用其所存如此時捻匪復入關中故云歿後督學吳大澂扁其門曰篤學勤修

扈登甲字鼎臣有至性從父某己異爨時凌虐或強取財物不校也及歿哀泣甚人異之曰吾知吾叔父耳有嫂早寡聞詎許如弗聞卒全其節長身偉軀多鬚髯氣象端嚴里中無賴輒憚之少讀書刻苦自勵雖風雨老疾未嘗釋卷值歉歲戒家人食糲而鄉鄰貧乏者恆調之教子及生徒四書細注必全讀無一字遺嘗曰世儒讀書苟簡此不可從也臨終屬家人曰家可破諸兒學必不可廢晚以例恩貢成均舉鄉飲大賓卒年七十有九

同州府續志卷十一

列傳上

十四

張元善字保初赤貧姊夫李某愛其材供之讀書既入學潛心性理諸書師事朝邑楊樹椿又東謁芮城薛仁齋西見三原賀復齋求道之切如餓夫索食病者求醫藥商賈貪貨利無厭嘗自訟曰不聞道不如死年甫冠以勞疾卒元善有經師舉業師其學道則無師也初鄉人譏之者謂何爲是蹢蹢涼涼惜之者謂才可就功名而不就力不能

爲聖賢而必爲志大任重以至於死元善不願也家惟夫婦二人相接必以禮族微聯諸兄修祖墓行祭禮養疾時值天旱聞官吏征呼急疾輒發或入城見憲示不便民輒擬條答卒不果獻格言貼滿壁自顧笑曰學先知後行吾未知卽欲行氣象毅然見者生畏而意思懇惻賤子愚夫咸樂就之其歿也惟同里陳貴一哭甚哀曰吾今後不得復聞善言也元善無子女妻李氏令孤身守節二十餘年陳貴一大荔傭販也事母至孝聞同里張元善好學講道詣之得朱子小學書傭則讀於田販則讀於路暇則聽元善講論每言讀書易收放心難爲人剛強刻苦不苟言動然行行弗能下亦以此取譏於世壬戌回亂鄉團打仗貴一激於義或曰爾有母在弗能忍竟赴鬪死今從祀節義

祠以上儒林

趙釗與弟銓惇行孝弟如左右手在家晝聚廳堂于田兄阡弟陌客至弟侍兄側執役如子姪治家勤天未明內外皆起居傍沙苑種樹爲業自奉麤衣糲食然遇用財合義處卽不計多寡釗子鳳昌有志聖賢之學釗使求四方賢師友戒之曰願汝今日爲正學他日爲朝廷做好官爲百

姓辦好事同治間回亂村去賊穴僅十里銓送兄與家人
避居郡城獨閉門沐浴更衣賊入里乃奔先人墓所經避
趙第魁字星垣少賈蜀東主乏嗣同族欲圖其業者誣訟
第魁激於義爲直之旋卽辭歸由是主人德之歲給數十
金家居子然不與俗伍年六十餘猶朝夕朗誦小學四書
暨芮城薛仁齋所作諸俚吟邑侯沈以公至第魁鄉雞甫
鳴聞書聲召問之曰應試乎曰否否曰垂老苦讀何爲曰
欲爲吾侯做好民耳沈奇之俾入 聖廟宣講光緒初元
邑令周亦飭持牌沿鄉宣講 聖諭卒年七十有二儀

同州府續志卷十一

列傳上

六

雷興智八品壽官年八十有五值同治元年回亂賊大至
興智屬子姪壯者與村眾死禦自率老弱婦女攜新衣避
村東瓦窰左臨渭水指謂家人曰戰不利我家葬所也俄
而村中火起興智疾呼易衣趨一一投水最後姪福康扶
其母興智倚子福遠同力撲下岸惟福康之母拜氏與一
孫女漂流而東經朝邑人救免數日各屍浮露水旁興智
頂冠袍服一足尙着靴溺死者長子福遠姪佾生福康曾
孫官星與媳女凡三十一人撻仗死者次子福科姪福祿
孫自朝姪孫自蘭凡四人姚中林澄城人以陶技傭興智

家從之死同入祀節義祠

梁安國武舉同治壬戌夏五同分縣羅以丙率領團勇禦賊於洛水東岸血戰而死事聞贈千總銜予世襲祀昭忠

祠

張清化諸生同賊至與子諸生鳳翔具衣冠持械禦賊厲聲肆罵一家男婦九口同時遇害事聞均予世襲祀節義

祠

馬思諸生素以孝聞回賊至逼令生降生厲罵受害鍾學使給獎曰天壤正氣事聞予世襲祀節義祠

同州府續志卷十一

列傳上

七

楊子實家赤貧不慕榮利極耐苦辛爲人家推磴連日麪至一二石之多獨好學不倦聞朝邑楊樹椿講學師事之同治六年回捻虜至被虜死賊中

以上義勇

周或朝邑人洪武中上書求仕太祖與語大悅授觀察使承樂中遷吏科給事中陞通政使敢言無所避每論劾必著緋衣諸大臣見或緋衣則各取素衣爲待罪具久之貴近譖或下獄死籍其家惟襲布斗粟而已上召或妻問之縱廉無俸入耶妻曰或待罪九卿自知不稱任使所得俸百歸官耳已通政司上或所歸俸上悟立誅譖者以金給

或喪歸命所過致祭復其官嘆曰周或難得朕用之不盡其才以下朝邑

周道朝邑人永樂中舉人方登第乘驛騎歸將渡渭一婦人從後呼曰君騎卒妾子也妾寡居賴此子以生前當渡渭故來視之耳道惻然舍騎步歸後爲御史征雲南爲總兵官餽貨寶幾千金道却之擢山西僉事有惠政卒于官喪出遮道哭奠三日不得行

韓紹宗字裕後朝邑人成化中進士官刑部郎中都指揮王章守備眞定橫甚御史柯忠劾奏章章亦誣奏御史詔

同州府續志卷十一

列傳上

六

往勘而章有內援請託紛至紹宗竟按其罪免官大璫石巖鎮守大同與都御史許進相訐奏命紹宗往勘廉其實力直都御史巖深嫉之奏言紹宗黨都御史上震怒逮繫久之事得釋有僧善中貴梁昉出衝定襄伯前導撻之昉奏誣定襄下獄僧匿昉所紹宗追捕置法京師不畏科道而畏韓郎中遷福建副使凡七年郡邑吏以法罷及所平反者不可殫紀

劉偉朝邑人成化中舉人任文水知縣文水多豪彊前令

往往僨事偉至部使者封杖二具諭曰以此禁切梗化者

偉不用獨以誠心直道爲理人之衆庶傾心向化偉嘆曰孰謂文水悍乎正恐人不肯作好官耳擢御史持法平允出知兗州卒於官

雷爵朝邑人成化中舉人初知清苑歷守邳州共一十八年廉謹自持大學士楊文襄公見之訝曰若非知清苑守邳州者邪歷聞子名今老矣有大名善地特以待子爲優游桑榆地遂授大名府同知至大名直廉如初行部肅然匹馬果蔬自給時林縣馬郡守謂韓恭簡公曰自雷先生貳郡雖一言不敢輕發數年得嚴師矣

同州府續志卷十一

列傳上

五

樊資字文質朝邑人成化中任榮縣典史歲饑出俸作粥勸設賑濟人賴以生羣盜嘯起資督繕城池儼然一方保障仍單騎往諭化之羣盜以平

王丕字女器朝邑人少倜儻有氣節宏治中進士任戶部主事擢郎中累有建議以言見忤出爲阿迷州同知擢和州太守調亳州陞蘇州府同知以直道謝官去卒所著有養浩論兵法綱目數篇謫官錄望嶽子集

程範字君儀朝邑人正德中舉人判開封府廉明剛直不私羨金擒盜安民人稱神明築堤七十餘里以杜水患人

爲立碑

王學謨字子揚朝邑人嘉靖癸丑進士方正執法不避恩怨治兵岢嵐嚴飭武備議築河牆老營諸堡陞山東參政聲望藉甚終雲南按察使

嚴天祥字叔善朝邑人嘉靖中進士孝友謙讓少有國士之稱知絳縣廉正執法民有毆傷人股以死者累檢股無他天祥取二股嘗其形色迥異一訊具服遠近稱神明以治行異等召四川監察御史尋卒

王嗣美字貫之朝邑人萬曆中進士爲太原推官持己廉

同州府續志卷上

列傳上

三

約接人平恕每聽斷多所平反以明允稱擢南戶科給事條時政缺失以直言忤後遷山西河東道有豪宗屢殺郡人有司莫敢問美按發如律藩府爲斂戢擢江右糧儲徵發押運夙弊剔杜一清補荆南以病乞歸用薦再補河東道緣舊治益加拊恤衣食教養曲盡其事遷山東驛傳適東事告急撫臣移鎮德州美攝兵道繕城濬濠儲火藥修器械操練軍士防慮極周更條列攻守要務矢自効用不報遂以病乞休

雷士楨字國柱朝邑人韓恭簡外孫也九歲時楊忠愍以

赴貶過恭簡言事侃侃激烈植竊聽而壯之嘆服不已恭簡喜曰是兒也他日必以諫顯萬厯甲戌登進士除太常博士輯太常考釐蠹竇求新九陵祭器省水衡錢數十萬壬午選授監察御史在臺勁挺讜直無所忌回潘宗伯某以中旨麻拜植抗疏劾論語侵馮璫保權貴震懾尋出督漕務運艘早一月抵京又拜疏斥首揆爲友人攔未上然疏且著首揆銜之遂以妻喪謁告歸闕館授徒年四十九卒貧不能酬夙負給棺殮

成琰字鎮寰朝邑人萬厯癸丑進士除鉅野縣調武強興

同州府續志卷十

列傳上

三

利除害愛民如子兩邑息爭罷訟遇歉歲蠲俸煮粥以賑之歸里士庶流涕爭送囊空幾無以歸後遷戶部郎中每疏上無不嘉納及賊犯京師分守東門衣不解帶者月餘給軍餉獨豐軍士德之上私行訪名稱賞後遷夔府尹清直益著十三州縣無不畏威懷德減貨稅置義倉農商咸頌之職滿歸里惟讀書訓子弟爲務邑人有囑以私者輒正色拒之遇利民事則慷慨言諸當事務得宜焉朝蒲爭田戰鬪不已兩省撫按鹽臺久未能平琰至其地從中調理兩河之人感服悅從爭端遂息生平清廉正直志行潔

白嘗拾金還主全活兩命卒之日家貧如洗不克辦葬

李聯芳字同春朝邑人萬歷丁未進士孝友方正言行不苟初任涪川令時大盜二紅四紅橫行郡邑芳設計擒獲渠穢黨散洵賴以安常平倉穀舊以金代多所乾沒芳仍以本色積倍他邑上臺矐之以無染指不能中己酉取士應同考遂抑弗興梁中丞以其才調繁真定會久旱入境大雨後早禱輒應人以爲時雨令云郡人趙南星郭實之稱之當事而正直不阿介紹不入僅遷戶部司權臨清時稅額漸增芳以大旱請減額謂甯虧在官毋虧在商商旅德之卒於都祀真定名宦兄時芳學行宏卓食餼時督學臧公命通邑諸生師事之舉乙卯賢書任興縣孟縣定陶三邑令擢平度知州第繼芳癸卯舉人任三河令誠惠愼密減三河雜糧二千三百餘石邑人德之

井東星字奕垣朝邑人萬歷甲午舉人仕爲嵐縣知縣嵐多逋賦東星勸輸有法改延宰蘇驛郵夫馬歷林縣作人得士心擢濟南通判永平同知居鄉冲和自奉儉樸逆鬪之變憂恚而死

趙勉字還白朝邑人萬歷壬子舉人授新蔡令新蔡夙號

疲傲兼多咎庶民不力農勉躬詣阡陌指授錢鏹無減家
督民始樂業至剔積蠹雪冤獄卻羨金人服其廉明焉三
載攷績列異等忽以疾乞歸新蔡人尸祝之

翟事心字鑑寰朝邑人萬厯中舉人步法先正言動不安
令廣東保昌政治以誠民不忍欺所拔才士皆以道德相
礪建有生祠遷東昌通判識葉廷秀於貧時所著有抱甕
集十二卷

王于陞字文石朝邑人有神童名萬厯丙午舉人丁未進
士殿試以二甲授戶部主事歷官肯嵐道兵備左布政家

同州府續志卷十一 列傳上

三

居以詩文自娛作漫園自稱漫公變後閉戶不出日常偃
卧夜起讀書死之日遺命以衣冠棺斂不受吊不樹碑速
葬於墓

王良朝邑人明洪武十七年貢入太學歷官主事郎中都
察院右僉都御史尙書郁新薦其行能升刑部右侍郎建
文時以議減燕府人罪謫爲浙江按察使燕師入京聞之
慟哭誓以必死會命使召良良執使者將戮以狗忽眾諫
奪去良悉收諸司印嗟嘆久之妻問故良曰吾分應死顧
思所以處汝耳妻笑曰君爲男子乃爲婦人謀乎自投水

死良殮之令妾抱幼子託諸鄉人之容浙者遂積薪戶外
閉家人毋得出抱印闔室自焚死 以下朝邑

關中俊字遜伯號獨鶴慕馮恭定公之學勇於力行修明
孝經小學事二親以孝聞鼎革後隱居不仕將終口占斷
句云衣冠還太古身體亦歸全七十八年內一心常泰然
著巢居野人集

張恢綱字時憲少爲諸生亡何棄去一意稽古肆力羣籍
尤究心理數之學謂邵蔡諸子皆有偏駁窮搜互証著參
兩數一書生平甘貧勵志不苟交遊有古名儒風

同州府續志卷十一 列傳上

二五

雷于霖字午天崇禎癸酉舉人博學嗜古值流寇倡眾築
堡多所全活順治初邑民不靖起兵攻城縣令走匿于霖
以兵法部勒堡眾擁令入城事遂定睢州湯斌爲同商兵
備道嘗造其廬論道學之要所著有孝經神授篇西銘續
生篇太極圖說柏林集別世言四字烏哺

郭肯穫字穉仲崇禎己卯舉人讀書無所不窺時推博雅
甲申後隱居不出弟肯堂與之偕隱時稱二難逆闖入關
時強肯穫欲用之亡去因繫肯堂獄脇制其兄肯堂終不
屈闖敗卒得兄弟全節

張柟字讓伯順治乙未進士登第後固請受業於王仲復先生仲復稱其質近剛毅勇於力行其志要一去趕上橫渠除知巴縣果決有爲力變舊政擢戶部主事清貧不自給著質言二卷言政事設施及修身省心之要年四十三卒惜不竟其所學云

薛孟華由兵丁拔補甘肅涇州營外委把總曾擒渠魁乾隆三十九年在當噶拉山梁剿賊陣亡事聞給與祭葬卹賞銀兩入祀昭忠祠又祀本邑忠孝祠世襲葉爾羌回城把總

同州府續志卷十一 列傳上

三

楊卿雲字瑞廷由大挑署龍安府經歷重慶府通判綦江縣知縣補授蒼溪改補清溪蒼溪地僻多重案卿雲至多所平反清溪屬雅州府毘連番夷地瘠民寡爲西藏通衢又值西域不靖兵差方繁卿雲立章程修廢舉墜報滿署重慶通判又署南充縣時東鄉教匪起卿雲辦軍務積勞成疾卒於官衣不盈篋斂服綫多綻裂事聞贈同知銜賜葬祭子孝陸庠生廡縣丞南充人祀木主於文昌宮顏曰遺愛

席光縉字雲占由進士授直隸欒城縣署平山正定萬全

懷安後補授吳橋欒城地當孔道差徭繁重光緒斟酌裁汰民力用紓每歲秋獮清塵之車以千計稟請減之善折獄牒甫投卽訊之嘗自題聯云徭不輕興民少累訟能速結吏無權每行縣減從役自備資糧值歲歉首請緩征徭凡有益於民者無不舉調萬全設施一如欒城有富豪某田數百頃決河灌溉以數千金求立石爲久遠計光緒卻之仍相其地勢令四圍均開渠灌溉詳府立案補吳橋運河在境內漕艘不絕水手多因緣爲奸光緒編保甲備剝船立水壩挑淤塞嚴防汛無誤回空後以修夷齊廟赤蜂橋一帶道路積勞成疾卒年六十七士民巷哭紳耆呈請

祀名宦祀

席友蘭字綺石由舉人歷任湖北羅田棗陽知縣所至有聲後以勘覆前任事被議鐫職乃徧遊南中山水多所題詠金陵總督孫寄圃聞其名聘主講寶晉書院成就頗衆後六年卒平生工書手摹聖教序逼似右軍武昌黃鶴樓名人手蹟不一友蘭至樓頭書一聯豐采秀逸論者謂其冠絕古今一時名公碑板勝地聯額多出其手偶爾裁答片紙尺幅皆足珍重惜亂後無存者

雷鳳至字儀廷舉人選甘肅靜甯州學正謁上官不卽見
鳳至語門者曰學正官雖卑不可辱也請還刺當投篆去
矣上官聞遽見之由是遇鳳至有加禮在任勤於課士尤
重品行諸生李充實爲兄所訟詞本直鳳至素奇生文坐
明倫堂責之曰若秀才胡爲與乃兄訟乃兄何足罪試思
瞽瞍不底豫誰之罪也生涕泣引過遂受業學署鳳至憐
其貧時給衣食後果登賢書時西域不靖鳳至襄轉運務
上臺擬舉卓異鳳至力辭不受竟告歸數年卒於家

馬大韶字虞操諸生少嗜學家貧授徒秋試屢薦不售知

同州府續志卷十一

列傳上

三

文章憎命乃日砥礪道學學日益進志日益堅所學似涉
陸王然極喜薛文清王復齋則仍以朱子爲主嘗曰聖賢
所道淡語便合道理語雖不一理自一一二聖賢千百聖
賢皆是一樣又曰今人好言喫虧便宜循理便是大便宜
事又曰一生總要與天相質古人書之所爲夜必焚香告
之者正爲此生平敦實誼惡浮名講古禮反時俗居喪三
年不入內不葷飲葬祭一遵家禮父歿時年九十大韶已
近古稀鬚髮蒼蒼爲嬰兒啼其自痛有云父老九旬猶愛
子人生一日可無親晚闢小有書屋獨坐其中萬慮悉捐

別有自得之樂著朱子周易本義旁贅說詩貽笑春秋繪
像孝經述宗子安吉諸生以畫名孫思遠廩生嗜古篤學
能世其家學云

劉繩武字繼先號洛濱少聰慧於經史子集無所不窺年
六十始獲鄉舉方嚴古樸廉於取與一介不苟無子臨終
捐其田宅爲先祠祭田又捐數千金取息爲邑鄉會者資
斧及書院膏火著有四書抉要春秋隨見錄正蒙管見
楊彥魁字子俊少失恃好學嘗於廢寺中篝燈獨誦及長
爲文筆快而奇年二十九入庠館邑薛氏家學愈純一日

同州府續志卷十一

列傳上

三

對案食貪觀書誤以箸濡硯食畢墨汁淋漓滿口旁不自
知也輯四書諸家講義參酌折中顏曰釋疑以家計迫賈
客中州二十餘年復歸教授爲人醇謹質直不飲酒不觀
優與人接溫厚和平以少育於叔母每有佳饌必親饋食
授徒功課老益嚴偶以農忙力作歸自田猶爲生徒畢日
所講年七十二卒屬纊時告家人某處積金若干爲叔母
異日喪葬費

以上補遺

李士式字子法由舉人授山西廣靈知縣始至案牘堆積
羸屋梁未逾月積牘頓清會大水傷稼士式捐俸賑之老

病不能就食者遣役送諸其室旋調署長治鄰縣長子民以寃未申聚眾數千謀作變大府飭士式往勘士式出犯者於獄懇長子令遣醫治其傷病以數言諭散其眾渾源州徐氏兄弟五人爭財致訟久不決仍飭士式往勘士式爲作五子爭財歌有黃泉見爹娘爹娘羞不語之句五人感泣訟遂息歷任山陰平陸長子臨晉諸縣皆有聲尤以培植士風爲急年六十一告歸載圖書數篋別無長物卒年七十四

雷五福字疇九由進士任直隸武邑知縣創觀津書院捐

同州府續志卷十一

列傳上

无

俸數千金爲膏火資調交河以運河不時決傷民田捐俸築隄防之任衡水賊匪侵境率勇守禦民賴以安年七十二卒

雷成樸字震初道光己丑進士由編修擢御史不附權要以廉靜簡授湖南辰州府知府行時上諭之曰爾知府非部選亦非截取當作第一等事無負朕望也至辰州剔奸釐弊吏役畏法凶頑斂迹眾號雷神各屬申報讞獄多所平反遇災賑濟有法置義田設義塾增書院膏火調長

沙府署理衡永郴貴兵備道以事落職後開復爲浙江臺

州府知府李於官

李懷庚字西垣少從李時齋學性純篤年四十四成進士
署兩當縣值歲饑籌賑全活無算聽訟剖斷公平厯署鹽
茶廳固原州隴西臯蘭金縣皆有政聲補靖遠縣立文社
設育嬰堂修城垣築河堤輯邑乘百廢俱興以憂歸陝撫
林文忠公則徐聞其名邀襄辦荒政服闋升河州知州
故回漢雜處稱難治懷庚恩威並用眾皆畏服無何上憲
委辦會城錢務以勞升運同咸豐七年撒拉與巴燕戎格
叛圍西甯制軍檄懷庚彈壓之兩逆跪服獻盜首七人八

同州府續志卷十一

列傳上

三

年冬河州回民謀逆邀撒拉爲外援時懷庚署鞏昌府奉
檄勦賊撒拉聞係昔年彈壓西甯之李某遂不敢至事定
後請於積石關築城設兵防禦次年署固原道又署鞏秦
階道時階州文縣界南番方內侵上憲檄甯夏總鎮某進
勦懷庚辦理糧臺南番歸順以功加按察使銜同治元年
髮匪侵境懷庚防禦東南路自岷州進省總督沈兆霖征
西不利飛函問方略懷庚曰官兵不知地理不服水上宜
誘敵使出以逸待勞如其言果三戰三捷五月同州回民
叛陝西巡撫瑛榮以械鬪入奏懷庚急以反狀稟總督沈

爲用兵計八月甘肅回匪俱騷動懷庚襄辦軍務會當事者意在主和賊勢日熾懷庚憂憤成疾嘔血卒時年七十

三

薛珊字鐵海性剛明歷任太原汾州澤州潞安各府同知會大水漂民居奉檄勘賑咸豐壬子攝五臺旋調趙城趙俗強悍難治珊嚴刑峻法境內肅然時粵匪自濟源封門口竄入晉境張觀察守垣曲戰沒賊益張旬日間陷絳州曲沃平陽至洪洞距趙僅三十里珊聞警卽募勇修城繕器械防禦或謂平陽兵民萬餘數尙失守何有於趙珊曰

同州府續志卷十一

列傳上

三

賊乘勝深入利速戰趙雖小粗有備且彼意在太原吾能拒數日則韓侯嶺以北防禦可備縱失守晉省可全其半不猶愈乎賊至珊率眾以礮擊之鼓行而前賊疑援兵大至遂驚遁各邑民逃徙姦宄竊發所在劫掠珊嚴緝之恆中丞以守趙事聞加知府銜賞戴花翎尋調知霍州復署鹽務監掣同知時鹺綱久地鹽梟爲害聞珊至皆屏迹商人謠曰薛公未來門不敢開薛公已至戶夜不閉次年署

蒲州府濬修姚暹渠石塘各工溉田十數村補太原同知以母老乞歸會回匪倡亂巡撫英畱守蒲津並防茅津渡

珊力疾視事行至運城卒

霍爲棻字苑史南昌同知樹清子由進士知太平縣營卒
誣難民爲盜爲棻詳察釋之丁內艱服闋改發四川會髮
匪藍大順作亂羣賊麇集綿竹爲棻赴綿竹守禦數十日
圍解要賊於路又大敗之土寇方問子據山聚眾爲賊應
爲棻往勦擒百餘人問子越嶺竄歿匪黃某聚眾結寨大
府議勦爲棻單騎入寨諭散其眾時駱文忠公秉章督蜀
聞其名令署成都成都蜀首邑公私旁午凡事皆身任之
循聲大著未幾調華陽減民月供差徭錢三百緡著爲例

同州府續志卷十一

列傳上

三

會巴縣不治奉檄往期年清釐訟牘署合州獲渠縣巨盜
十名尋升邛州加知府銜邛俗獷悍時灌縣賊又起爲棻
率勇督防卒得安集卒於任入祀邛州名宦祠

郝鳴皋字鶴臣由廩貢生任鳳翔訓導同治元年回匪圍
縣城鳴皋隨縣令防守次年七月賊復至數百人扒城鳴
皋督勇立追下事賴以安加五品銜升臨潼教諭六年髮
匪侵境復守禦又奉檄襄辦征西糧運歸主講邑書院年
七十五卒

李遇庚字會垣署甘肅按察使懷庚弟任階州分州例得

理民事甫下車卽判滯贖訪民疾苦抑強暴恤孤弱以職
微不能盡撫字告歸課農訓子精醫邑令請診視至則問
疾外無他語謝金亦弗受

董文煜字質生舉人廷爵孫幼有至性道光乙未登賢書
授湖北當陽知縣有兄弟爭產者其兄以三百金求直文
煜置金案上諭以骨肉之誼兄弟感泣而去當陽地下銀
皆納以錢吏胥因緣爲姦文煜定章刊示宿弊以清禁花
鼓戲龍船會設育嬰堂收養貧民之棄女調鍾祥咸豐四
年粵匪犯湖北竄德安及天門等處鍾祥係安陸首邑時

同州府續志卷十一 列傳上

三

知府馮某率勇出赴援城內僅留勇二百餘人賊突至文
煜扼要防禦賊分股渡漢直撲北門文煜返救擊退之登
陴堅守賊又分股由東北門擁上以矛刺傷文煜右臂城
陷文煜卽走鄉募勇得一千二百人並飭邑紳夏榮春等
各帶數百勇急圖克復連攻五晝夜焚東北二門督勇扒
城首刃執黃旗賊目一名賊遂潰城復生擒僞元帥李承
映僞三王李學成正法時湖北全省盡爲粵匪蹂躪文煜
募勇防禦糧餉無出聞賊又逼近郡城乃飛稟告急十餘
次竟無援至六月初二日聞武昌又陷歎曰兵單餉絕徧

地皆賊城如再陷吾惟有身殉而已至初六日賊大至文煜曰事不可爲矣遂自縊至十年巡撫胡文忠公林翼入奏贈知府銜

賜葬祭銀百兩子墉廩生廕州判

奚應龍字雲樵道光甲午武舉聯捷榜眼授浙閩參將有名花會賊依山濱海出沒不測應龍遣健夫五六十人爲內應以兵繼之擒其渠魁署福州副將英夷貢使至頗驕橫應龍屢折之補慶遠副將時楚匪李元發竄入粵應龍率兵進勦至貴州開泰縣遇賊數萬兵僅九百餘人應龍

同州府續志卷十一 列傳上

五

獲賊謀釋之使以兵少告卽檄催未至兵疾趨赴援賊中有妖婦名其陣曰黃雀有幻術應龍令兵以巾裏米臨陣颺之賊目迷遂大破之並殪土匪張滿楊大斗陶八等粵匪李志信何慶遠兵虛圍之應龍急歸至城下大呼援兵至城內兵突出夾擊擒志信斬之升左江鎮總兵賊以撞搖洞爲巢穴歲索民財名曰打單有袁晚者尤猖獗時兵無餉應龍捐俸千金爲倡眾遂爭輸貲乃調七協營兵三千激以忠義與賊戰大破之賊走翦刀墟與黃五善土狗二合應龍追擊賊又勾連隆安大口倉賊二萬眾應龍七

戰皆捷斃首匪三名餘黨黃色讓李鳳祥關世令王兆榮
吳宏開駱廣廉等皆殲焉張國梁者賊中勇將也應龍諭
降之後果爲名將丁父艱以地方緊要未得回籍服闋授
廣西提督時潯匪李文茂據柳州聞應龍赴桂林乘隙入
慶遠遂猖獗欲窺桂林應龍次永甯沿途斬首三千抵其
巢又斬五千賊收餘黨拒蘇橋設伏林中應龍分爲三隊
使二隊先伏賊寨旁自率其一以進賊僞退應龍追之伏
兵先起賊伏不及發大亂盡殪之柳州慶遠以次平咸豐
辛亥賊復熾盤據雙髻山豬子厓風門坳諸險應龍知賊

同州府續志卷十一 列傳上

壹

勢方張急追必被吞噬欲堅壁以防其衝突乃率兵者志
在速戰賊遂出官材入永安州後復追勦於古排塘自塘
至永州三十里賊皆設礮臺士卒多畏葸不前應龍身先
進遂盡復所失地又料賊必竄竄必出人山口令兵伏焉
尋賊成軍而出麴集人山口後師遂潰應龍馬蹶僕殞歷
極險始脫賊乘勝攻陽朔應龍坐山巔執鞭指揮縱馬疾
下賊驚去聲言西攻潯柳應龍知桂林虛賊必襲之乃兼
程往賊已據要路軍服不得達應龍以所得賊之旗幟爲
先導直入其營賊不能辨遂斬其主兵者次日賊果擁眾

至應龍據孔明臺設法守禦燒其雲梯呂公車斷其甬道賊遂他往是役也諸帥皆被譏而應龍猶蒙

旌諭後卒於柳州軍營年四十八

諭賜葬祭有加禮長子清振廕道銜次子清棟廕六品軍功銜應龍忠孝智勇本於天生出仕迎養其父雖繁劇定省無缺父沒值伏臘輒哀痛不食尤好讀書經史兵法戚少保紀效新書練兵實紀皆能成誦與士卒同甘苦臨陣神色不變好整以暇故所向有功

王庭杞字晉臣幼倜儻有大志以世亂講求武備同治壬

同州府續志卷十一

列傳上

三

戌回亂無賴子乘變爲匪間塗面佯爲賊殺人劫掠庭杞糾鄉勇嚴搜之擒渠魁七人斬之避難澄城時有回匪九入自鄜洛買火藥歸過澄城庭杞糾土人數十禦於長甯河擒斬之又爲書偏告各鄉勸防賊母使得販軍火癸亥赴甯夏會甯夏回匪亦變所在劫掠庭杞率難民精壯者禦賊大瓦溝躍馬大呼矚目而前連刺二人賊披靡奔潰眾從之斬十餘級餘黨皆散庭杞遂遠出賀蘭山避居蒙古阿拉善境內甲子將軍穆圖善師至聞其名檄辦軍糧

庭杞往來河套以餉不足用自辭薪水以激勵士卒先是

買軍糧者減其值至又不給價且脅以威諸有粟者多匿之庭杞請從時價至卽給之間不足則授以功牌且諭諸商曰兵糧足則賊可平我輩利固在也於是諸商皆出粟軍食無缺敘勞得千總銜丁卯大軍破中灘賊巢庭杞爲鄉導賞戴藍翎戊辰從將軍金順破王家疇保守備己巳古城肅清檄署石嘴山守備庭杞辭曰國家多事優游官署非所願也金喜上其事賞花翎仍檄襄辦都統烏拉沁糧臺庚午甯夏平請假歸里嗣聞賊復變急赴軍營至則沁已戰沒遂憂憤得狂癘疾歸家數年卒

同州府續志卷十一 列傳上

三

雷星南從九品銜剛決有偉略雷成樸知臺州延入幕粵匪竄浙江圍杭州城成樸使率團勇五百赴援城陷力戰死之事聞

賜葬祭銀百兩祀昭忠祠給予雲騎尉襲次完時給予恩

騎尉

馬思良咸豐同治間從王心安戎幕征山東以功給武信騎尉銜賞戴藍翎爲捻賊張總愚所獲尋斬其麾下數賊而脫後竟亡於陣

權執中字允之早失怙家貧以力養祖母周母劉及母家

父母年十四應門爲里長時賦役紛糾在事交爲姦利執中精核裁酌老奸不能欺奔走鄆州洛川間孳息牛羊盡力田隴兼習醫忽奮然曰不事詩書何以立身達理從邑刑部主事雷榜榮學入泮試優等爲增廣生壬戌回匪亂邑令飭各鄉團練執中團兩女鎮爲北鄉一帶稱最統衆禦賊龍門村等處多忠勇公師至邀執中運軍糧鄆洛宜川兼爲鄉導敘職訓導邑侍郎閻敬銘巡撫山東訪知兵者邀執中往辦東省軍務皆精核稱職甲子淄川堂邑白蓮沂州土匪亂執中率兵勦之戰捷賞戴藍翎以母老辭

同州府續志卷十一 列傳上

五

歸丁卯築兩女鎮寨環三十里居民賴之防守三河口絕賊偷渡歷保教諭五品銜以知縣選用邑差徭夙爲民累知縣邢澍田議變法時閻敬銘自東省歸主其事邀執中襄辦數十年苦累叱咤立祛而差徭仍無誤又變通常平倉歛散力除積弊籌立豐圖義倉一仿朱子社倉法遇糴買穀時雖風雨嚴寒立厥間顆粒必親試斗斛必親核持籌握算毫無懈色卒年四十六 以上仕宦

張夢齡字錫九性至孝鄉舉後以母老不赴禮闈嘗主講

邑西河及直隸藁城滹陽書院母歿後閉戶歛迹兢兢以

士品自持家貧力學老而彌篤好邑先儒王仲復著述所
錄復齋日記二卷餘藁一卷四禮慎行錄一卷太極圖集
解三卷儀小經一卷古尺牘一卷宋名臣言行錄五卷儀
度端嚴言笑不苟年六十三爲商州學正卒著有虛齋集
雜錄商山補遺各二卷

李元春字仲仁號時齋嘉慶戊午舉人揀選知縣改就大
理寺評事咸豐三年以軍興勸捐出力加州同銜性穎悟
精力過人少時貧不能學父文英諸生客遊湖楚與母居
日拾薪餬瞽驢代人磴碾得麩糠雜菜蔬蒸以食一日過

同州府續志卷十二

列傳上

三

里塾聞誦書聲喜歸告母始就學年十二三塾師講論語
仁而不佞章苦思前後諸章言仁不同及註語乃悟聖學
求仁之要惟當理而無私心非全體而不息不足以當之
二語爲盡應府試見薛文清讀書錄遂立志聖賢徧求程
朱書熟讀精思以父命不廢舉業年三十領鄉薦九上春
官不第父歿母老遂絕意進取母年百歲雖貧食必供肉
居喪一遵古制當事欲舉孝行並制科孝廉方正皆堅辭
生平未嘗乞假亦不妄授人每計偕輒徒步或餽之贖悉
卻之居京邸未嘗以一刺謁人貴人欲見謝弗面資稟剛

嚴而充養有道間責子弟怒聲震屋壁聞者慄然事過則和顏笑語若無前事前後主講潼川華原各書院教人以身心性命之學誠正爲本而要於有恆講學必宗程朱然於心學良知之說不過排斥謂皆本聖學特學之者不無弊耳又謂義理考據古文時文一以貫之要在讀書明道以聖賢之學爲歸著述甚富詳經稽志皆扶世教正學術而不爲空言年八十餘燈下猶作細字人間何以能此曰吾一生惟寡欲而已以支族繁衍並立一祠使相親睦有族姪析居數十年及歿恤其子女如同室里有負債而鬻

同州府續志卷十一 列傳上

四

其妻者呼族黨及門下生各出錢穀償之使夫妻如初江南戴駿發其師也戴沒其妻子流寓長安貧不自給迎養至家數十年如一日進士楊俊舉人王克允貢生張飭歿後貧不克葬呼同志醵金數百理其喪以其賻贈之餘置田畝贍其後嗣率近居十餘村聯行保甲隣盜相戒不入鄉村有糾衆械鬪者聞之馳往諭以數言卽解散道光丙午大飢捐穀賑貧著救荒策數萬言上中丞林文忠公深見採納請本邑令示諭各村社自相保護全活甚衆又以貧士應試苦無資勸富戶捐金生息給科歲試卷價鄉會

試資斧立公局擇賢士輪流更代曰同義文會年八十六卒因講學文昌閣下地多植桐學者稱桐閣先生咸豐六年巡撫吳振棻奏請入祀鄉賢祠光緒元年學使吳大澂奏請宣付國史館列入儒林傳

李來南字薰屏元春長子恩貢生幼承家學於書無所不讀爲文章必本經義事父左右無違居喪盡禮事無巨細必躬親之迨葬鬚髮盡白與弟來瀚友愛甚篤接物直信遇事有可否一毫不徇仍不失爲渾厚教人嚴而不苛主講邑西河書院一家塾守其父家法最謹

同州府續志卷十一 列傳上

望

石全潤字雨峰幼嗜學博極羣書李時齋以正學倡關中往謁之潛心攻苦其學愈邃遊三原三原爲秦士淵藪皆務科舉全潤倡以正學遇執贖者卽答曰吾師李時齋在朝邑盍從之由是桐閣之學大振著有居敬齋詩文集王維戍字信廷道光戊子副貢性敏爽遇事以意指揮不隨人俯仰人有善必極力羽翼之使成乃已從李時齋遊經史子集無所不覽爲古文詞直抒己見千百言立就有風發泉湧不可遏抑之概著有槐門文集

王會昌字熾侯咸豐壬子舉人性純篤從李時齋學以造

道器許之師歿絕酒肉不與宴如守親喪送葬緘經執紼
哭甚哀事親孝父歿時值回匪亂會昌日夜守墓哭泣不
輟靦疾卒平生以道德文章爲事讀書遇義理深奧處必
力研究俟得解乃已著有祛疴齋文集

高岫字景瞻咸豐壬子解元性廉介舊例發解後必拜中
丞岫至門者索賄岫遂拂衣去門者招之岫曰解元易中
此身不易轉也竟去與富人交不爲卑靡容富人亦敬重
之熟於經史爲文尤善運古或借題寫世情或抒不平事
令閱者拍案稱奇

同州府續志卷十一 列傳上

星

雷星漢道光丙午舉人與同榜孟兆豐赴禮部試途中盜
竊孟金抵京始覺星漢曰同車獨累不可也分任之比歸
星漢乘一車孟與仇海高士元同車高患瀉症星漢曰父
執也與易坐料理藥餌污穢不避在途共染疫仇道卒星
漢爲視含殮攜襯歸勞劇成疾尋卒

楊樹椿字仁甫號損齋諸生初受業於邑貢生李來南來
南父舉人元春樹椿輒從問學遂有志洛閩後與二三知
友講益切絕意進取於名利泊如也事母至孝處兄弟待
朋友懇惻直諒其爲學堅實刻苦默契精思養深而純守

嚴而固嘗論爲學力要曰無朝聞夕死之志無求爲聖賢之志無以天下爲己任之志工夫所以常悠悠又曰未發已發此處不分明存養省察皆靠不得又曰君子之學必以誠誠窮理則眞知非止誦讀誠居敬則實踐非止講論雖處草野無一念不在天下國家一夫不獲其所輒惻然傷之晚年學益邃縣宰黃照臨特設友仁書院延主講學使吳大徵以學行疏於朝其疏略曰朝邑楊樹椿隱居華山潛心理學除歲考外不入官府有古君子風臣按臨同州適來應試詢其所讀性理諸書融會貫通實有心得平

同州府續志卷上

列傳上

聖

日涵養之功一本程朱主敬之學所謂篤行謹守不求開

達亦足爲士則矣奏奉

諭旨加國子監學正銜

以上儒林

張逢春庠生事母至孝母患癱疾逢春蹠踐牀頭十餘年不倦回匪亂負母逃途遇賊身受重傷死而復蘇卒脫母於難

蒙生芳事親孝父歿屏家務廬墓十年晝夜不歸性嗜讀

尤好胡文敬公集及邵康節陶淵明詩年七十三無疾而

卒

趙邦玠幼孤事母恪謹出入必遵命果蔬先奉母然後食

母歿廬墓三年設木主朝夕事之定省無缺每食必薦一如生時

柴志皐幼孤事母孝母病癱數年未嘗離左右及歿喪葬盡禮

靳德彰家貧務農事母至孝飲食奉養必盡其力雖窘甚未嘗一使母知焉

祁登階廩生事親孝定省無缺父病篤禱於神願以身代未幾病果愈人以爲孝心所感性行端方急公好義戚友乞貸常典衣物周之歲祿輸粟以贍鄉里

同州府續志卷十一

列傳上

四

郭映青庠生幼有至性事父孝母早亡事繼母尤謹數十年人莫辨其非生母同治元年回匪亂母爲賊所縛且索財映青曰此吾母也我主家事母安得金請縛我賊挾其目映青曰縱殺我願無傷吾母賊義而釋之家貧訓蒙自活失明後無以養邑令黃照臨以其孝給錢百緡爲生計母歿哀毀以卒

喬福慶事親極孝母歿父瞽日夜不離回匪亂負父逃父被傷抱尸而哭賊又傷之聞者慘然

王庭椿庭梓兄弟極相友愛每食必並坐相勸加餐天稍

寒則相戒曰衣得毋薄乎數十年未嘗有違言庭椿歿庭梓事嫂甯氏如母教其妻亦然

王得勝得春兄弟幼失怙恃家貧務農自給備極友愛族有富而無子者欲取得春爲後以兄弟不忍離辭之族人曰如不諾嘗鳴之官且終不能辭也兄弟乃相抱而泣終夜不輟事遂寢

李印渤家貧業農有二弟欲分爨印渤止之不可遂以美田與二弟己取瘠瘠者後家漸裕享大年屢受粟帛之賜邑令謝質卿賜匾褒之

同州府續志卷十一 列傳上

畢

李大德性孝友樸誠家負債三千餘金盡以田產償之服賈中州忠信不欺人稱爲李天平天俗呼衡也以父母年老歲必歸省兄亡遺孤半歲撫之若子待寡嫂體恤周至家漸裕遇鄰里乞貸無吝色

許世珍幼失怙恃兄弟五人世珍居季少時諸兄各析居世珍食力自贍比長家稍裕諸兄又皆貧世珍復與之同居衣食奉養愛敬備至外祖父母與妻之母皆年老家貧世珍迎養於家畢其生無或間人以爲難

以上孝友

王漸徵家素封好施服賈甯夏每歲設廠施粥養乞丐冬

市羊裘數百領給寒者甯夏俗不惜字紙漸徵養貧僧捨
之族姪庭槐兄弟四人家貧漸徵以己所買積金令諸子
與之瓜分里有偷兒爲人所捕將鬻宅以償漸徵潛周之
後偷兒改行自言人始知之漸徵少時遇相者曰鬢無髮
頤不豐當年少客死且無嗣年五十後生三子七十八歲
卒

蒙天庥家富好施多與賢士交李時齋倡學關中天庥遣
諸子從遊時齋著述多天庥所梓廣儲古書購不惜值宅
東起一樓上藏刊板下羅羣書大廚十有八經史子集類

同州府續志卷十一 列傳上

吳

列凡數萬卷非聖之書舉不收卷目篇次悉自標題披閱
外一無所好時齋爲書額曰入對古人因以對古名齋以
義行

雷五堃庠生其遠祖明舉人于霖就所居高埠築寨爲邑
城保障王戊回亂邑令命五堃率堡人團練五堃修垣墉
繕器械以兵法部勒堡人時鄉里蹂躪殆盡九月圍邑城
寨中以礮擊斃賊無算賊怒返攻寨十餘日會官軍王永
慶紮營西關戰敗關陷愈逼近寨五堃日夜戰守身中數
創又籌糧給官兵賑難民賊退以創卒鍾學使爲賦詩紀

其事

呂王臣品端嗜讀書回亂糾衆團練賊至村衆潰王臣命家人扃門死守已據案讀賊入脅之降王臣罵曰我讀書數十年豈降賊者賊焚其室竟不出死

秦悅秦少從李時齋學持身涉世有古道咸稱善人回匪至猶伏案讀書賊義而釋之後避難復遇賊遂率其妻赴河死

高自卑增生賊擄之使爲謀主不屈動以金帛亦不顧又使訓蒙自卑乃碎其書而罵其子賊臨之以刃神色不變

同州府續志卷十

列傳上

七

又厚待之終不屈乘間投井死

張振清武生禦髮匪於鑪山衆潰被執賊奇其勇縛而昇之去以從弟被擄伴降之冀攜以歸後賊防之嚴知不能脫遂持刀刺數賊而死其弟逃歸言振清死事甚烈

張雲雕廩生清潔自持回亂恐受辱乃先期沉其子於水問家衣冠整肅服毒死其子夢祝次日復生

袁祿兒家貧業農事兄恭謹歲祿兄嫂相繼歿獨力爲穴殯葬焉有童養之妻勸令歸母家自縊於兄之墓側

邢掌新傭工爲生尤緒丁丑歲祿人相食遂失業自作塋

服毒死其中里人義而掩之

以上義勇

王庭棟字培之博極羣書天文奇門兵陣醫卜之流無所不通絕意進取講求濟世之學道光甲辰歲大稔庭棟曰饑饉至矣次年果旱乃以所積粟平糶濟貧咸豐改元則曰亂將至矣秦中尤慘宜修城堡繕器械爲禦寇計人目之爲癡庭棟歎曰劫數不可逃也遂自號曰癡仙名其居曰癡慧窩乃任情縱酒醉後談及時事忽歌忽哭觀書至古之忠臣義士則酌酒哭拜歛歔不勝至誤國庸臣篡竊姦宄則戟手厲罵悲憤欲死徧遊數百里至潼關與澄城

同州府續志卷十

列傳上

吳

治北之藥頭鋪曰賊不至此各置宅一區後回亂二處果無失

隱逸

褚錦字文敷邵陽人性至孝執親喪盡禮廬墓側三年平居與人寡合家城市絕跡公門言動必遵於道鄉人呼爲褚夫子任無極縣令未幾以目疾致政歸年八十卒

以下邵陽

王化字大治自少端檢有隱德鄉人稱其不愧屋漏任經歷時有以百金餽者悉納諸公帑按以法尋擢重慶府通判致仕歸力耕好修年九十卒

范鈞字青闈性謹厚尤敦孝友流寇至鈞執宗子禮守先

祠主不去遂遇害當道旌之
董宗舒生員事父孝撫侄若子李自成破潼關後退居田
野不復應試鬱鬱成疾而卒

楊芳譽生員年少博學磊落不羣李自成入關卽謝去巾
衣屢逼卒不就試平生排難解紛爲鄉里倚重及卒遠近
惜之

明甯時鏞字佩甫生而穎慧不羣爲文秀爽有逸氣居鄉
謹厚不立崖岸而風骨自別舉己丑進士授直隸澹縣令
澹古黎國有端木子墓侵田者陰移表識於他廢塚下守

同州府續志卷十一

列傳上

兪

者不察遂沿襲爲眞時鏞考與志載不合將啟觀之或以
爲發先賢墓不便時鏞曰前賢體魄所託關繫非小竟啟
之果贗塚也於是據志按地求之獲其墓封焉千百年之
訛一朝釐正遠近快然大匡下衛河淹民田時鏞爲築堤
設閘水得安流其他勸農桑恤鰥寡廣積儲復流移伸宥
抑清郵傳別軍民諸美政歷歷播在民間具載黎陽十六
謠以治功第一召拜兵部職方司主事繼以副郎管捕營
事歷官三任未嘗起一宅第蓋棺後追贈光祿寺少卿
車尙轍字康衢嘉靖時人閉戶潛修不染塵俗朋友見其

矜持太嚴於密室置一妓試之竟坐以待旦毫不爲亂膺
歲薦任河南信陽州學正同僚有睚眦名士何生者諷公
擠陷轍毅然曰何生本吉士奈何誣陷以媚人也卒不從
後陞肅州教授未幾歸卒於家祀鄉賢祠

車樸字中甫號望莘解州學正贈四川按察副使宗湯子
也少孤貧篤志力學通五經諸子百家靡不成誦葉夢熊
謫邵丞樸從之遊萬厯壬午舉於鄉教諭河間擢國子監
學錄上疏以九事匡君曰釋聖心擴聖度廣聖教緝聖德
隆聖治崇聖體通聖澤怡聖情培聖壽幾萬言惓惓於君

同州府續志卷十一 列傳上

五

心一悟忘其職之卑也當是時上在位久百度廢弛朝廷
朋黨日盛災異數見樸憂之陟刑部司務調吏部復疏七
事一曰表章小學以豫培養二曰科分大學以盡材品三
曰稍寬資格以示風厲四曰優禮待以養廉恥五曰懲貪
墨以警官邪六曰重藩僚以惜名爵七曰平分囂以銷黨
禍纏纏萬餘言皆切中時弊天啟元年晉兵部員外郎先
是遼左失守樸請進兵以戰爲守獻八議於是犒軍遼
陽之行復命又奏五事皆莫之省有自遼左逃歸者五百
人俞大成欲悉殺之樸抗疏救歸者獲免大成被譴陰令

其門生御史侯詢擠樸樸見朋黨之害日深不可挽歎曰天下事尙可爲哉因上疏乞老時年七十餘矣崇禎元年特起兵部車駕司郎中會懷宗卽位誅魏璫舉賢才除弊政厲精圖治樸慨然有澄清四海之志乃門戶卒不可除資格卒不可破左遷四川按察司副使分巡威茂道遂謝病歸士大夫交章薦之堅卧弗起樸至性忠孝終始惟一敦睦族黨葛巾野服與父老子弟優遊林泉十餘年卒年八十有四祀鄉賢祠著書多燬於兵僅存奏議若干卷河干焚餘編行世

同州府續志卷十一 列傳上

五

和燧字仲陽官四川布政參議鋤豪暴安善良爲政以不擾民爲要解組之日川民泣而送之祀鄉賢祠

馬超驥字一空崇禎癸未武進士鼎革後部牒屢下不起會大司馬孟喬芳總制三秦稔知超驥招至省授以職弗受孟奉 命征蜀攜超驥行蜀平道員乏人屬驥辭不能

孟曰子爲我擇其能者驥出府遇一人儒服而立問何業答曰秀才引至府立授道職後驥托故歸先是三原梁化鳳爲驥同年友驥故有德於梁及梁以平海功歷任提鎮

書招驥驥詣梁梁以三千金爲壽驥曰胡多爲千金足矣

遂歸務農桑三十餘年邑長罕識其面

王錫年字喬生積學工古體文康熙庚子辛丑聯捷成進士雍正丙辰知浙江歸安縣縣故有權稅陋規例歸官錫年裁革之民有爭訟者爲肫懇指白曲直卽立結公餘以經史大義切於身心者召諸生與語調遂安縣歲旱禱雨兩立沛差使過境自傳付外一毫不擾民後改涇陽敘諭歸遂安民遮道攀轅有泣下者涇陽文廟丁祭牲用鹿外輸銀十二金錫年釐典禮易以牛却金弗受邑貧生某冬衣葛錫年爲鬻綿纈而勉以力學轉靜甯州學正州民不事織紡錫年令工繪圖製機以教之甘撫黃下其事於行省各衛隴民於是始知織教士極有科條士氣一新後歸主講蒲城書院年八十卒韓城王文端公爲表其墓

同州府續志卷十

列傳上

三

麻作梅字調菴揀選聖廟齋奏廳陞管勾廳督鉅野鄆城等屯官屬乾隆乙巳屯民饑乏捐家資封屯糧民德之製衣傘頌德有惠政頌來秦日月仁風沐起魯山河聯語

張若虛字伯實少孤事母以孝聞乾隆丙午膺鄉薦大挑授綏德州學正綏德地處荒微人罕誦讀若虛慨然以振植文風自任兼主書院講席時人語曰雕陰果熟三千樹

盡是張君手自栽蓋紀實也丁內艱起復歷署藍田雒南西鄉等學在雒時有陶生者夜持金鳴祖訟事正色拒曰楊公四知汝獨不畏耶無何復補綬德甫下車來拜謁者皆喜曰不圖今日復見老師也累年荒歉忽一日鄉民數百人持凶器抵城圍州署吏胥逃竄州牧束手無策若虛偕都司張某諭以理義利害鄉民始解越三年陞涼州府教授旋致仕年八十卒

秦飛鴻號南圃性倜儻而遇坎壈終日作苦田間輒乘夜苦讀乾隆戊子膺鄉薦授徒家塾歷任狄道迪化鎮番各

同州府續志卷十一 列傳上

五

學訓課勤慎升湖北興山知縣調咸邑當川湖之衝號難治飛鴻嚴保甲課農桑興學校革弊政百廢俱舉一時稱循吏自奉從儉曰濫用者未有不濫取也治咸八年卒於官啟其笥有一聯曰敢云自信此之謂唯恐人言惡在其餘雜殘經幾卷而已

雷以動字兆初性孝友乾隆癸酉拔貢丙子副榜朝考列一等數年未選或曰盍求同年韓城王相國以動曰朝廷銓選自有倫次豈可以人力爲乎後爲藍田教諭教諸生先品行而後文藝嘗謂己不修無以治人今日諸生安知

不爲他日卿相也數年卒於署

王麟定號仁菴乙酉拔貢考充 武英殿校錄中順天戊

子舉人校刊康熙字典告成議敘知縣選河南密縣調內

黃升同知戊申入都召見奉 諭加一級攝彰德府篆禁

無賴子把持喪輦民沾實惠歷充鄉試同考官所取皆得

人嘗謂人之才不必盡由天授其要在務學世有難處之

事盡心揆度縱未能至當不易亦不至失之太遠此千慮

一得之義所謂設誠致行是也又謂人須有擔當方可遣

大投艱不爲流俗利害所移不爾便是氣餒蓋其生平所

自得力在此

同州府續志卷十一 列傳上

五

甯宏字季騰號甯鳩諸生兵部員外郎時鏢子也爲人木

訥言動不苟邑令范志懋引入西河書院訂正孔廟禮樂

著丁祭考儀國變後隱於徐水虎岡之柏巖足不入城市

者五十年其學以實用爲本發明四禮尤篤喪祭卻人至

今遵之自爲土室終歲不見人署縣事郭傳芳嘗三造其

廬卒不與面惟韓城晉賓王時一會焉年八十七寢疾七

日不言忽一朝起整衣冠索筆硯書不愧天地不愧君親

八字端坐而逝

李灌字向若崇禎癸酉舉人甲申三月聞闖賊陷京師莊烈皇帝身殉社稷北面號哭不食與同邑舉人呂得璜慷慨流涕誓興義旅同死王事已渡河其父以書力止之不得已薙髮爲僧久之或著黃冠佯狂歌哭行乞於市如此者三十年晚於乳蘿山下穿石鑿谷名小桃花源將老焉未果而卒灌爲文雄逸詩磊落豪宕初爲諸生時學使賈公奇其文曰闕子文使人振懾但恐子才大地氣不堪任耳

管太音字希聲舉人聞闖逆僞命與同邑呂得璜兄弟遁

同州府續志卷上 列傳上

七

入太華山中擔簷負笈與溪童爲伍人無知者後結廬河澗讀易數年卒之日自題其墓曰明癸酉科舉人管子太音之墓

呂攀龍諸生篤學力行子鈞璜字元佐得璜字仲佐同登崇禎己卯賢書亂後與管太音同隱謝絕人事終身不仕殫心著述父子兄弟自爲師友著有四書講義古今閨範野人集諸書

康無疾字百藥拔貢生少卽受業於其父太乙先生太乙喜讀秦漢書其文縱橫不羈百藥獨嗜韓歐諸大家所爲

文雍容爾雅儼然儒者氣象雍正丁巳舉宏詞以老疾固辭澄城張蘿谷僻處下邑得讀宋元以來諸大儒講學之書實百藥指受之力至與論文書本末詳盡關中諸名宿未能或先也所評有古文未逮集並所著詩文藏於家孫謙宗字子吉號鶴雲子好讀書不喜爲時藝日研精四書經史及性理近思錄諸書於遠近見聞軼事必備錄一冊附論斷語以爲考驗身心之助積久成帙名曰夔臺集類呂叔簡呻吟語以老病未及分門類輒憾焉暇時靜攝身心端坐不一睨視教弟子授以小學曰國家以文藝取

同州府續志卷十一 列傳上

姜

卒
士異日可就先達者問其途然根柢在讀書蒙以養正不可不慎也生平樂道安貧雖菜羹禡褐晏如也年八十餘

楊念昔字紹先歲貢生邠州涇化縣訓導性聰穎學問博治尤喜吟詩嘗遊諸郡邑緣白水江劍門山川而下及成都憑吊古蹟詩章殆滿行笈著有六書分類二十卷見聞新書二卷金詩詩稿二卷注釋李巨山一字詩四卷

雷廷蘭字香畹以動孫也嘉慶癸酉拔貢丙子舉人胞伯諸生澤患瘋疾廷蘭事之尤謹澤疾愈舌耕他鄉家中兄

第欲分爨廷蘭曰兄弟俱無子分必饑寒吾不忍也有橫
逆來避不與校曰失在我不可校失在彼不必校且校不
受必興訟吾家以不入公門爲教何可犯乎年六十卒
車步霄號東厓諸生慷慨有氣節能詩工書八分尤善爲
文逸宕瑰奇成一家言未四十卽絕意進取日與鄉先達
以品學相切劘晚尤究心宋儒語錄諸書家中中貲而好
施與親友有貧不能葬者輒解橐以助嘉慶丙子道光丙
午累出粟賑濟著來青詩草卧床小吟各四卷

雷鳴陞字春聲不赴賊試其父迫之投崖幾死救免教授

同州府續志卷十一 列傳上

五

生徒年八十以壽終同時棄衣高蹈者李文蔚字含美董
宗舒字漢儒楊芳馨字君實皆守志山林終身不出宗舒
更以孝稱

謝起鳳字葆直家貧業買嗜讀書暇卽開卷吟誦不輟恥
求人偶遇饋遺輒力辭曰不如使我心安也忠謹不欺賈
鄰他出輒以鑰見寄旣而得程朱書遂杜門誦讀自樂屢
空不恤嘗曰人只有爲學一事不學便不足爲人又曰學
須有二資一書籍一師友無此二資義理安得不日消私

欲安得不日長又曰養之於慎獨致之以無間教人之能

事畢矣又曰人之高下均由學養真偽純駁所致可不慎哉喜讀易尤嗜太極圖說西銘謂終身於此少有所得不虛生矣年甫四十而卒貧不能葬無子二女妻年未及三十十餘年紡績度日教二女均能讀小學毛詩呂新吾李忠定訓女諸格言以守家法云

明孝子甯企政本山西稷山縣人兵變失父因託綿弓生理遠邇求之卒弗得乃爲木主每食必祭祭必流涕郃陽人有感其孝而妻以女者遂家焉生八子晚年建墓葬木主哀毀盡禮鄉里稱孝後子孫蕃衍甲第綿綿不絕遂成

同州府續志卷十一 列傳上

五

世族

車輓字信徵明正統時人事親無違色親沒刻木像供奉如生遇忌辰必泣涕悲號哀動閭里力田勤農桑儲積頗裕嘗客甯夏值歲荒出豆三百石入倉以助賑濟有司奏聞奉勅勞以羊酒旌爲義民仍免本戶差役三年

車宗湯字自新貢生父釗諸生言動必軌於道鄉閭以嚴師事之每誡子孫曰凡畏人知事卽不可作宗湯母病癱負之起居三十年如一日爲廣靈訓導遷解州學正以剛直不容歸年七十五卒父子俱祀鄉賢祠

馬振文家貧至孝幼時父沒於外及長歸骨至家將入棺始悟失左足小指遂復號泣而去家人不知所之數百里沿路乞食復至瘞父故所竟取原骨而還

張迪閻字惠菴性孝友文敬公曾孫年弱冠以 實錄館

差使議敘府經歷丁父艱服闋時母年已七旬有惜憤疾起居不自知迪閻嘆曰焉有慈親老病家無次子而忍遠離者况無力續娶卽娶委新婦奉親心不安也遂決急辭官不再娶訓蒙事親食必代箸一切床褥溺器操作必躬親母憐之曰爾鰥居數歲撫子姪善遇孀弟婦種種苦勞何日得了連閻泣曰罔極莫報分所宜然母歿時迪閻年六十二孺慕如初

同州府續志卷十一

列傳上

五

王秉居年五十事母孺慕如嬰孩爲人傭得直卽以奉母遇文人好問古孝子事居母喪每日攀柏悲泣夜露宿墓側祈寒暑雨弗去里人憐其孝爲舁置車箱令避風雪年六十二卒

李治西性孝家貧貿易千里外忽一日心動星夜馳歸則父病篤左右奉養數日未嘗就寢嘗糞三次知其不救水漿不入口父歿廬墓

李治科甫生時父因昆弟爭分炊出外三十餘年不歸治科長乃乞食往覓至口外伊犁得見跪三日請父回奉養終身不懈

雷茂林字千章乾隆甲午舉人積而能散嘗謂家人曰疏廣有云賢而多財則捐其志愚而多財則益其過吾愛吾同類卽所以愛子孫也邵陽試卷資費無所出茂林捐地三百二十畝銀一千二百五十兩以所收租爲小試及會考朝考會試殿試各卷資又增捐陝西全省卷資銀若干兩由藩署經理立案邑令詳請欽賜國子監學正銜

同州府續志卷十一

列傳上

李

賈建凝例貢生嘉慶間歲大饑出粟百餘石錢二百八十緡有死無依者建小補堂施祭田二十畝立義學施田三十畝銀二百金貢生孫枚以義行舉於官

蕭永諧善命學工書畫尤精於醫道光間大疫出奇方法活人甚衆一日病者聽鬼聚語曰彼良醫爲吾患不如乘其時衰先傾之病者以告笑曰已知之數也及染疫囑其子曰鬼忌余某日時當與永訣至日果驗

以上補遺

王訓號蔗村慷慨有大志道光戊戌進士歷任江西瑞昌長甯贛縣知縣精幹過人長甯山中巨盜黨且百人訓偵

知巢穴伺鄰境賽會度必盡出幸健役三十人夜往拘之親以鐵尺擊盜臂縛以行甫明已四十里出山矣自此餘黨悉驚散攝廣信署鹽法道會髮賊猖獗東南訓奉檄防堵九江一夕賊逼訓欲迎戰諸援皆遁不得已引退賊圍南昌訓與臬司某堅守賊以礮衝缺城西角訓督師力戰乃解憲不以聞除福建道會洋夷橫恣欲盡取海口要稅制軍畏其強訓爭之不可退與撫軍議逐之洋夷憚而去邵武爲髮賊往來衝道制軍會同撫藩臬並諸道員議誰可前往防者衆皆失色莫敢應訓慨然曰 國家養士正

同州府續志卷七 列傳上

空

爲今日大人命誰敢不從制軍卽離席酌酒奉訓前曰吾固以爲非君不可也訓卽日就道至邵武完城郭繕守備賊大至訓冒雨巡城歷十餘日賊攻益力四方救援不至城中矢石鉛彈且盡訓兩目焦爛鬚髮齊白而事不可爲矣更有告以出走者訓曰汝輩視我不睢陽若耶吏不敢復言賊射書諭降訓碎其書大罵城陷訓衣冠北拜死之年五十一 上聞以按察使例賜卹卹邵武及本籍均建

專祠

車用錫字受祉以舉人官西鄉教諭孥妻女同赴官同治

元年髮匪藍二順擾漢中西鄉被圍久知縣巴彥善力戰不支城且陷以印付用錫投井死用錫奮曰死一也死官廨何如死戰場率義勇數百出戰賊厲集飛礮中目呼曰我傷皮膚耳若努力勿懈語訖而什賊蜂入城初用錫將出戰召妾及幼女招第命之曰我爲國盡忠有去無反妾賤人耳去留任自擇女吾骨血生死勿離此堂及城陷妾先死之招第坐父所指處向戰地而泣或牽使出避哭曰阿爹命我勿離此爹不來我不去也連牽之率不動賊至以女幼憐而教之女見其父卒不歸遂三日不食死年僅十三後五年回匪犯邵陽用錫父庠生阿縉亦整衣冠守木主不去而死

同州府續志卷十一

列傳上

空

任藻廷歲貢生官鄜州學正回逆陷州城藻廷公服端坐明倫堂罵賊不屈與子生員熙嘏同日死祀鄜州忠烈祠魯俊字灼三由舉人知湖南沅江縣明斷有政績士民爲之語曰魯恩公目最明耳最聰判斷公直最和平胥吏作不得幣差役逞不得雄民也安年也豐何時能報魯恩公王雙福字備五號萃原丁酉拔貢以州判分發湖南咸豐二年粵匪入楚父沙戒嚴有潼關副將以孤軍來援阻不

得進雙福慷慨請行取別道引兵入大府壯之委署常德府經歷武岡州州同調署岳州府通判岳爲楚南漕糧總漕之區府倅監收各官悉有餽遺雙福絲毫無取嗣以新甯不靖防堵出力制軍裕保奏升秩旋署永興縣調安福縣永興民不悅於新令大府檄雙福復任永興時賊勢益蔓雙福募鄉兵親訓練爲守禦具民得安堵丁外艱歸士民攀轅號泣卒年四十有六

張敘號謹齋若虛子道光戊子舉人乙未進士官刑部主事派辦秋審處嘗謂刑名生死所關任己情者妄挾成見

同州府續志卷十一 列傳上

奎

者拘卽救生不殺死之說仍未平允以故讞獄起稿每以情律爭於上官雖激其怒不顧也改直隸州署肅州肅故有番民嘯聚山谷間出焚掠兵使及總鎮皆以未近城不爲意敘度賊輕而寡謀猝擊必成擒遂借兵弁及壯役百餘人偵賊歸路於紅山口適袁遊擊來會勦敘與密商囑其率兵堵截而自謹斥堠整行伍將以詰且爲聚殲計賊大驚潰敘隨按行村堡被害者悉撫恤復其生理補秦州州境多山民新有開墾上憲委稽查地畝意欲升科敘謂山田低者當水衝山水偶發卽難獲利高者多斜坡雨澤

難周若益賦則受害無窮據實稟報卒息其事調西甯府未赴任病歸同治元年回亂辦邑團練事以勞卒

車順軌號雲衢廉謹有操少貧恆躬親樵採井臼事作苦田間有會意輒兀坐隴頭朗誦道光丁酉舉於鄉庚子捷南宮選庶常授編修充 國史館協修纂修總纂丙午順

天鄉試同考官京察 記名派 文淵閣校理己酉典試

湖南充正考官尋留任湖南學政所在悉心考校嚴密關防弊竇一清尋以腿疾引退主講古莘涇干五鳳關中等

書院壬戌回逆煽亂擾及邠界知縣方鼎錄調集民團數

同州府續志卷十一 列傳上

畜

千人分駐露井北黨等處既而皆陷縣城孤立勢岌岌順軌間道往潼關請兵賊聞兵將至即日遁去有 詔調取

來京明年十月抵都派 實錄館總校官充 國史館纂

修轉提調以續修 宜廟實錄告成加翰林院侍讀

銜又以 實錄館黃綾本繕寫進呈授司經局洗馬署日

講起居注官旋授翰林院侍講擢右春坊右庶子升國子

監祭酒加三品銜丁內艱服闋坐補原官夙疾陡作請假

旋里尋卒所存奏稿有日官方宜急澄汰蠲緩宜急查察

流亡宜急招集倉儲宜急整頓皆切中時弊蔭一子入監

讀書期滿送部引見並賞給雲騎尉世職祀本省鄉賢祠
王隸壬戌進士以知縣分發直隸每奉委至外縣民間利
弊必博訪詳記署廣平縣故事生監吏胥舉貢及捐納諸
職皆免支徭役並帶免其本族本村而以合縣徭役加諸
平民其實帶免者仍照平民徭役之費歸入私室隸詳請
正途紳士但免身及同居徭役以示優異吏胥捐納與平
民同永無帶免之弊紳士亦毋得擅收分毫役賦遂均辛
未署容城歲旱導民鑿井灌田旱不爲災縣故多隙地且
沮汝霖勸之樹桑民自是始蠶是年補樂亭倡修尊道書
院購書三千餘卷藏之因土豪憑虛捏誣流言京師爲御
史所糾被吏議隸爲治尙鎮靜所至無盜案民咸思之歸
家六閱月而卒

同州府續志卷十

列傳上

五

同拱辰字樞垣性沈毅道光癸卯舉人大挑歷署上杭長
汀永定甯德各縣廉以律已儉以率人任上杭時捻逆方
竄擾鄰境十九殘破拱辰命邑紳招集義勇親訓練磨城
固守偵賊入境卽率勇截勦賊憤恐衆數萬攻益急城中
哭聲震天地拱辰髮豎背裂指陳大義激勵丁壯伺賊稍
懈夜絕敢死千餘人推奇輪車載大礮翼以矛薄賊壘疾

呼轟擊賊大驚潰奔北遲明官軍適至遂大破之既而夏
秋無雨米價翔貴戍軍鼓煽饑民日夕聚嘯變亟亟在旦
夕拱辰親勸殷戶輸粟接濟并招商販運設法平糶後署
永定道經上杭民擁馬乞留拱辰不得已夜潛遁杭民乃
繪其像於褒忠祠歲時祭賽歡呼歌頌拱辰握篆八年囊
無餘貲及卒篋中惟杭州攀轅集一卷而已

楊維藩字子价咸豐癸丑進士簽分四川署夾江縣公事
親裁不假胥吏手課士先品行次文藝粵匪煽亂上憲飭
各處團練維藩本戚繼光六練之法實心奉行委署石泉

同州府續志卷十一

列傳上

三

縣縣故瘠貧維藩親行郊野查有游手令其開墾荒田自
是民有蓄儲監收自流井及夔關釐稅商民悅其公平解
欵更溢於前補太平縣值大旱步禱霖雨霑澍後致仕歸
卒於家

以上仕宦

雷丙陽武進士 欽點御前侍衛乾清門當差期滿選補
福州城守右軍都司歷署龍巖羅源營遊擊旋因防勦江
蘇常州克復金壇勾容 賞戴花翎以參將用又克復鎮
江揚州府城加總兵銜以副將用咸豐十年賊困丹陽縣
督兵防勦因兵力單薄賊蜂擁合戰三日夜力盡殉難

忠烈

侯夢禎字蔭堂五歲卽過目成誦十一歲十三經國語圖
策莊子性理及古文詩之有裨於用者俱卒業十三四爲
文便如成人日事博覽至三十始入庠食餼欲少達不遂
又復激昂思有爲馳力諸史考古今治亂留心民生利病
與當代吏治爲致用地爲人豪邁自喜無城府遇親黨緩
急不吝解推或鬻所藏書畫古硯等以濟之所有衣物值
數百亦俱爲知好典盡家有積券悉焚之老年教授多成
就名下士朝邑楊仁甫樹椿嘗受學焉工書精鑑賞求者
紛至無賢愚應弗倦第稱號枳村道光乙酉舉人主講大

同州府續志卷十

列傳上

七

荔澄城各書院自持嚴謹有羨餘卽購書得異書輒篝燈
校閱丙夜不休工駢體多流覽性理精義大全二程遺書
朱子全書困勉錄松楊講義滙叅等書又標爲學四目曰
立志改過變化氣質隨處體認天理而總之以安命著枳
村類稿

張鳴鳳字治徵道光丁酉舉人選整屋教諭以防城議敘
知縣性友愛侍兄疾夜立窗外伺聲息安否時至且之交
睫在整屋勤月課捐俸爲弊賞資解組歸聚里人講呂氏
鄉約多化之者著周易合叅十六卷四書訓蒙日解二十

二卷詩書偶解三卷四書燼餘錄四卷子如淵同治己巳
舉人大挑教諭能世其家學

康父字若保太乙裔孫也弱冠入庠能世其家學家故多
藏書披讀手不釋卷能覈博爲詩古文詞教授生徒嚴立
課程晝缺則夜補之援例候選訓導著有太華草課於
吟並雜集一卷 以上儒林

雷首字冀山諸生舉人廷蘭子家素書香父卒厄於貧子
弟勢難俱讀首令子貿易弟讀書屢勸家人勿析箸或戲
謂曰弟未必不負兄首曰甯弟負我不敢以不教弟負

同州府續志卷十一 列傳上

突

祖父也後弟夏州俱入庠塘廩貢生就教職子登蟾咸豐
壬子舉人大挑湖北石首縣知縣登閣廩生

孫應選諸生以例貢教諭山丹中衛素好佛遇孝廉某講
程朱之學遂自悟其非卽盡焚佛書嘗書處處體認天理
刻刻嚴防人欲二語以自警歸里後日讀小學近思錄以
禮治家嚴正不苟家人四十餘口遵奉教誡無敢違於宗
族鄉黨皆寬厚有恩壬戌回亂奉縣諭團練不妄費一錢
曰吾儕總不能禦賊忍浮費害鄉里耶鄰團有妄科派並
爲力辯爭鬪者爲剖決曲直莫不服其公允年四十餘卒

以上耆舊

范如魯幼時從師讀書常泣師怪問對曰向在家則代母作勞今在此母且自作勞矣師嘆曰此良心也不可遏屢遣之歸母性嚴峻如魯雖長怒輒杖之曰取吾杖前如魯卽捧以授未嘗奔避及母卒終身悲悼罕見笑容

謝弼字帝臣廩生家貧親老躬執爨汲以養自食麩蔬而親極滋味父母先後沒每日夕奔墓所號哭拜跪雖狼嗥梟啼不畏也訓子姪嚴而有節弱齡均遊庠序居恆以氣節自勵端方正直不苟言笑教生徒輒舉忠孝廉介事相蠹沒故從學者往往知安貧敦本沒後數十年學政吳大澂旌曰白華比潔

同州府續志卷十一 列傳上

五

車樹勳字麟閣庠生父步霄增廣生身教頗嚴樹勳能色養得其歡心事繼母敬謹終身異母弟樹基感其誠事樹勳亦如之與人子言孝平易和婉聞者化焉居父喪廬墓三年成豐辛亥徵舉孝廉方正又因屢辦團練城防保加五品銜以子允臧貴封朝議大夫

安定邦諸生幼嗜孝經家窘幾不舉火以雙親好讀書且老不忍遠離晝耕作夜苦讀自食糟糠奉親甘旨親齒豁

和肉爲粉以進訓蒙三里外晨昏定省親歿廬墓三年
魯瑣字瑞徵性孝友家貧負米養母分金供弟後家資豐
裕遇荒歉輒指困周急邑侯賈旌之曰風高子敬

王管蘭事母孝賊至必負母而逃一日病篤賊猝至母被
執以身翼之母子皆遇害鄉鄰憐而葬之

以上孝友

侯志祖字繩堂咸豐己未舉人有義氣壬戌逆回叛志祖
充光武團長練勇保障西南賊不敢犯十月北風大雨雪
殺氣滿野賊忽至志祖督勇戰力盡被執罵不絕口遇害
并焚其屍子龍光葬衣冠於村北襲雲騎尉

同州府續志卷十一

列傳上

七

王鳳翔字梧桐辛丑進士由庶常散館授編修丁未分校
禮闈以艱歸同治壬戌回逆猖獗知縣方鼎錄延鳳翔與
各紳集團防禦十月賊犯郃境勝師駐潼關車祭酒順軌
在籍往請兵鳳翔率勇堵賊官兵至賊遂西遁丙寅春回
捻交訖鳳翔隨在堵禦保五品銜賊忽突犯城西十五里
之護難村鳳翔孤軍擊賊自辰至午有勸退者鳳翔叱曰
退則賊進城將不保鬪愈力身負重傷猶手刃數賊罵不
絕口死奉

旨建立專祠追贈侍講學士

王豐字玉叔由武舉援例加參將銜回亂各處團練堵禦

東南十四團豐督之時多忠勇公駐節同州豐輸運火藥
糗糧至郡忠勇公愛其才留辦防勦克羌白各處保 賞
花翎六年賊犯邵陽豐率各團數千人出戰於坊鎮北之
李家河民丁死者無數豐執弓矢連射不勝賊出死力分
集遂被執磔殺之

田聯第處士性剛正同治六年賊至正衣危語勸賊賊以
爲奇人贈以金不受曰只求不害人耳及賊焚掠忿激辱
罵觸柱而死

白海晏偉幹多力年十九回匪突至縛海晏及其祖清廉

同州府續志卷十一

列傳上

十一

伯父居安父無咎並村人數十拘一室拷掠清廉割一耳
居安砍殺將及無咎海晏豎髮裂背臂上索寸寸斷直前
奪賊刃砍傷首賊左臂奪路出覓殺伯父者刃於巷口刃
折徒手搏格有伏澗側者但聞賊奔馳海晏叱賊金戈橫
擊聲已而寂然蓋海晏被賊槊刺左脇死矣方海晏與賊
持門外村眾互相解縛無咎得與父清廉踰垣走其幼妹
先被拘他處監以老嫗假寐間夢海晏促曰急從予歸妹
覺適賊東遁遂抵家述其事人咸異之 以上義勇

蓋文達澄城人博涉書史尤明春秋刺史竇抗集諸生講

論文達依經辨論皆諸儒意所未明一坐驚歎抗奇之宗
人文懿亦以儒學稱當時號二蓋唐高祖於秘書省置學
以教王公子文懿爲國子助教既升席公卿更相質問文
懿警曉詳密遠近宗仰

以下澄城

睦時聘字任衡萬曆丙午舉人爲延津令請蠲荒地之賦
民頌其德諸生李孟金貧不能娶助之金耿宗純以病黜
請復之李耿先後卒成進士稱知人邑祠之知渾源州鑿
水渠令高下可受溉畝致一鍾州又祠之擢鄖陽太守卒
居鄉置義田立社學散金賑粟多善蹟

同州府續志卷十一 列傳上

三

楊天敘字性夫生明中葉逮今三百餘年里之人相傳稱
孝子惜處荒陬僻壤遺事無有表而揚之者

靳美玉字有華康熙乙酉舉人爲人廉靜寡欲一介不苟
訥言慎行謙己自下家素貧脫粟布衣不以爲恥與邑令
涿郡崔公輔鼎善嘗有懷金籲其一語以貸輕繫者其家
人敘之置金於席以動之美玉不顧而去人曰此細事何
損美玉曰一事細後必有不細者矣其嚴守如此

以上補遺

雷時夏號雲峰道光癸未進士歸班候選主講橫渠少華
豐登各書院選知安徽甯國縣捐廉修城垣書院加知

州銜膺卓薦調署無爲宿州及鳳穎各府分府撫卹災黎
不遺餘力嗣因黃水隄決復調補大和旣抵任見黎民蕩
析露處羣不逞之徒又乘閒滋擾時夏於放賑時嚴密緝
拿百姓始獲安貼士民頌其防患卹災弭盜伸冤省拖累
禱雨澤興學校修水利諸惠政蓋紀實也居三載保薦卓
異擢河南光州直隸州加知府銜自題堂聯云坐對青山
於此地挾琴舞鶴堂開綠野願斯民賣劍買牛著有訓子
箴言課士草課兒草

任樹楷號春臺幼從叔父舉人鳳縣訓導任到隆肄業同
治壬戌成進士署廣東興甯縣事時紅巾賊圍城十餘日
樹楷與兵勇共辛苦守城有功加同知銜歷任開建乳源
各縣愛民如子以猛濟寬有任青天之稱己巳卒於官樞
歸時跪送者絡繹不絕

同州府續志卷十一

列傳上

三

任葆貞號廉泉品端行方好古力學少從邑進士雷雲峰
遊道光庚子登賢書父舉人城固訓導卒於官葆貞扶柩
歸葬祭恪遵禮制不飲酒茹葷不入內邑令金玉麟聘與
進士韓介侯纂修邑志癸丑大挑署甘肅鎮原縣恩威互
用有循吏風旋告歸侍母白孺人以館穀俸養母卒如葬

父禮服未闋以病卒遺命布衣素服入斂以志隱痛云

韓亞熊字介侯道光辛巳壬午聯捷成進士出宰山東鄒

城樂城歷城等縣皆有善政因卓異升用同知調補膠州

推升廣順州知州未赴任卒年七十二祀鄉賢祠以上仕宦

楊靖邦號柏門拔貢生幼穎悟潛心四子書晚年學有所

得居村東別業足跡不履城市與及門諸子談經論道藜

藿不給晏如也兩主玉泉書院講席多所成就學者稱柏

門先生

趙一珍字岷山歲貢生為人樸誠孝友端方嚴正少讀書

同州府續志卷十一 列傳上

家貧益刻苦自勵晚年教授生徒嚴而有法及門成就數

十人與楊柏門為文字交卒年六十有三

王詢箕字弧南歲貢生文學淹博能書大小篆蚪蚪鳥跡

晚年寄志丹青怡情山水第詢尹亦工畫時謂之難兄弟第

以上儒林

吳積才自其始祖尚印以來十世同居各有兄弟極相親

睦鄉里罕覯邑宰旌之曰和氣致祥

田玖臬生員早失怙舌耕奉母母年漸衰不忍離膝下惟

在家訓蒙晨昏定省未嘗缺母年九十卒哀毀骨立泣血

三年兄早沒遺二子玖臬待之如己出

党興琳同治六年賊大至父病垂危家人皆委之而去賊欲犯其父以身障之賊怒拽出村琳罵不絕口賊殺之其父痛興琳死於非命亦投井死

楊自敬字禮園友愛諸弟教養有法弟自恭自信恂恂率教或至夜分侍立不倦至今四十餘年稱友于者咸首推焉

惠選潤事兄選滋若父丁卯賊至兄被重傷親侍醫藥有灼艾分痛之意兄卒日夜往來墓側數閱月鄰里賢之

同州府續志卷十一 列傳上

七

劉格字正齋父歿後事兄劉柱極恭凡事必稟命而行一如父在時年至六十猶式好如初

郭世金郭元成養子父歿母在堂善病侍湯藥惟謹歲大歉舉家以藜藿充饑獨爲母市精鑿母素有口戒因戒妻子蔥蒜之屬不入廚竈歿後每饁田閒必先祭於墓然後食鄉里以爲難

李蔭棠字芾南進士生員花國子回逆之亂賊至挾其父出蔭棠從高屋躍下手持利刃與賊格鬪賊負傷而逸父子得無恙 以上孝友

張選青性嗜詩書敬師長子耀堂銳堂皆列膠庠獨捐貲
建義學施地四十畝遇凶年出粟賑濟不計多寡邑侯金
玉麟賜匾額旌之

張興魁素好義家計貧寒嘗貿易夜歸路拾棉花數百斤
又嘗拾五十金皆還其主毫無德色

孫振越嘗拾遺金四百兩俄有人哭泣來尋卽慷慨與之
亦不受謝

劉柱道光閒兩次發粟賑濟又設粥廠於劉家窪一方賴
以全活其子葆華咸豐間捐餉銀一千一百兩同治閒亦

同州府續志卷十一 列傳上

七

兩次出粟捐餉父子急公類如此

彭家貞道光丙午大饑出粟賑濟並焚其簿籍家人問之
曰恐爾輩後來藉此爲口實也 以上義行

連象環生員讀書有志同治元年回逆變起集團禦賊身
被重傷罵賊不屈而死

崔玉瑞生員剛直慷慨年七十餘回逆變起手持鐵杖禦
之詰其反叛之故且喻以終必誅滅回以戈擊之揮杖相
鬪罵不絕口遂遇害

趙景雲回逆擾村景雲持戟罵賊被傷數十處罵不絕口

而死

把總王吉勝回匪至率勇五十人與賊戰於胡家橋自辰至午勇潰吉勝負重傷猶單騎死拒力盡而亡同時又有彭鳳鳴被賊擄去至楊家坡罵賊死

曹景植字才卿恩貢生逆回作亂團各村得保無虞值農忙回掩其不備猝至遇害蒙旌表忠烈建坊入祠世襲雲騎尉子增生炳蔚襲廕

以上義勇

沈錫蕃字仲衡四川城都人以布衣遊金玉麟幕倜儻好義磊落不羣工文詩著登樓集生平足跡半天下而卒歿

同州府續志卷十一 列傳上

七

於澄喪不能歸葬晉佛圖澄洗腸泉上玉麟為文誄之

流寓

楊某者精火珠林賣卜長安市上倚石為几雖盛暑苦寒不移人呼為石頭楊有武弁求卜決其三日內有奇禍武弁含怒而去卒如其言其人神之持金來謝堅辭不受年七十餘不知所終

方技

並回外開合林各村各紳士

王吉勝回匪至率勇五十人與賊戰於胡家橋自辰至午勇潰吉勝負重傷猶單騎死拒力盡而亡同時又有

彭鳳鳴被賊擄去至楊家坡罵賊死

而死

